

კ. ლუხულის და ამზ. წიგნის მაღაზის გამოცემა.

საისტორიო გიგანტება

ე. უჩინაძის რეადიციონობით.

№ 2.

ი ს ლ ე მ ი

გა არაბთა სახელმწიფო.

მიულერიდან.

ვასი 15 პ.

ქ. ქუთაისი.

ქართ. შორის წ.-კ. გამ. საზ. ქუთ. განკ. სტამბ.

1914 წ.



କରେନ୍ଦ୍ରମାଳୀ

კ. ოკელის და ამხ. წიგნის მაღაზის გამოცემა.

ი ს ლ ა მ ი

29000
და არაბთა სახელმწიფო.

მიულერიდან.



დ. უზნაძის რედაკტორობით.

ქ. ქუთაისი.

სტამბა „მმთბა“ გაზაფვის ქუჩა, № 17.

1914

ისლამის ღვერთი.

„არა არს ღმერთი, გარდა ღვთისა, და მაჰმადი—ღვთის მოციქულია?“ თუ ამას დავუმატებთ საშინელი განკითხვისა და მკვდრეთით აღდგომის ჩრდენას, მაშინ ჩვენ ისლამის ყველა ძირითადი დოგმატი გვეცოდინება. პირველი შეხედვით, მხოლოდ ერთი მათგანი გვეჩვენება ორიგინალურათ: მტკიცება, რომ მაჰმადი მოციქულია ღვთისა. ხოლო ორი სხვა ნასესხებია ებრაელთა და ქრისტიანთაგან. მაგრამ ნამდვილათ კი მაჰმადიანური შემეცნება „ღვთისა“ განსხვავდება ებრაულისა და ქრისტიანულისაგან.

მაჰმადი სთვლიდა, რასაკვირველია, ღმერთს ქვეყნის შემომქმედათ, ცოცხალთა და მკვდართა მსაჯულათ უკანასკნელ დღეს, „უკუნითად“ „ყოვლადშემძლეთ“, მაგრამ არა „წმიდათ“ და არა „მართლმსაჯულათ“: ღმერთი ყურანისა ურწმუნოს ულმობელათ სჯის, თითქმის სიამოვნებითაც, სწორეთ ისე, როგორც რომელიმე შურის მაძიებელი არაბი უსწორდება ხოლმე ვისმე პირადი შეურაცხყოფისათვის. როცა ღმერთი ბრძანებს რასმე, არა იმიტომ, რომ ეს ბრძანება კარგი და სამართლიანია, არამედ იშიტომ, რომ მას ასე სურს. თითქმის უკანასკნელ დროშიც მუსულმანმა სქოლასტებმა, რაზომ გამჭრიახობაც უნდა გამოეჩინათ მათ, მაინც ვერ შესძლეს ეპოვათ ყურანში ხელმძღვანელი აზრი, რომლის საშვალებითაც შესაძლებელი იქმნებოდა ღვთის განკარგულების ახსნა-გარმატება.

„ასე ენება ღმერთსო“—ძალიან ხშირათ ეს დებულება იყო ერთადერთი ამხსნელი საშვალება. არაა საკირველი, თუ მუსულმანს თვისი ღმერთი, როგორც ზეციერი მამა არ უყვარს

იმოდენათ, რამოდენათაც მას ეშინია მისი როგორც მრისხანე მსაჯულისა, რომლის შემთხვევითს ჯინიანობასა და დაჩემებას ვერც ვერავიც წინათვე იგრძნობს და ვერც ვერავინ აუხვევს გვერდს. უუგვიანესი დოგმატიკა ამ მხრით ყურანზე კიდევ უფრო საშინელია. მაჰმადის ღმერთი, სხვა თუ არა, თავისი წინასწარმეტყველისთვის მაინც ჰპოვებდა სიყვარულისა და ნუგეშინის სიტყვებს; ღმერთი უუგვიანესი დოგმატიკისა კი ტირანია თითქმის მათთვისაც, ვისაც რწამს იგი: აღამიანი მის წინაშე მონაა და სხვა არაფერი. უკვე თვითონ მაჰმადს გამოუმუშავდა აზრი „ბედისწერაზე“, ე. ი. შესახებ იმისა, რომ ღმერთმა უწინარეს ყოველთა საუკუნეთა გადაწყვიტა—ხალხში რომელი ირწმუნებს მას და ამით თავს იხსნის და რომელი მიიბრუნება ურწმუნოებაში და დაისჯება.

მაგრამ წარმოდგენა მაჰმადისა ამ საკითხის შესახებ ვერ იყო ნათელი სწორეთ ისე, როგორც სხვა ბევრ შემთხვევაშიც. იმ ცნებებთან ერთად, რომელნიც გვიჩვენებენ ბედისწერის აუცილებლობას, ყურანში არის ადგილები, რომელთაგანაც შეიძლება დავასკვნათ, რომ წინასწარმეტყველი აღამიანის ნებას თავისუულათ სთვლიდა. შემდეგში, მხოლოდ ბიძანტიასა და სპარსელებთან გამწვავებული ბრძოლის ეპოქაში, არაბებს საბოლოოთ გამოუმუშავდათ მტკიცე რწმენა, რომ „მართლმორწმუნეთა“ და „ურწმუნოთა“ შორის გაუვალი უფსკრულია, და რომ ეს უფსკრული დასაბამიდანვე შექმნა თვითონ უფალმა ღმერთმა.

და საფუძველი იმ ფანატიზმისა, რომელიც წარმოადგენს მუსულმანური მსოფლმხედველობის ფრიად ცნობილსა და ნიშანდობლივ თვისებას, სწორეთ ამ ბედესწერის მოძღვრებაში უნდა ვეძიოთ. ფატალიზმი სისხლსა და ხორცში აქვსთ გამჯდარი აღმოსავლეთის ხალხებს, ისლამის აღმსარებელთ: მაჰმადიანი დარწმუნებულია, რომ მისი „ბედი“ „დაწერილია“

ცაჲე: ამიტომაა იგი გულცივი და მომთმენი ჭირში, ლირსე-ულათ ხეთება ყველაფერს, რასაც გამოუგზავნის ბედი, რო-მელსაც, სულ ერთია, მაინც ვერ გაექცევა.

ლვთაებაზე წარმოდგენა, რომელსაც ყურანში ვპოვებთ, ძალიან მარტივია, თუმცა მას არა ერთხელ მიუკია საბაბი ლვთისმეტყველთა ცილლობისათვის: როცა მაჲმადი გაეცნო ქრისტიანულ მოძღვრებას წმიდა სამების შესახებ, მან ვერ შეიგნო იგი: მას ქრისტიანობა მოეჩვენა სამღერთობათ. წი-ნააღმდეგ ამ მოძღვრებისა იგი ცთილობდა, რამდენათაც შე-საძლო იყო, ნათლათ დაენახვებია თავის მიმდევართათვის, რომ არის მხოლოდ ერთი ლმერთი: „თქვი: უფალი ერთია, ლმერთი დაუსრულებელი, ვინც ირ ბადებს და არც დაბა-დებულა, და არაა მისი სწორი“ (სურა 112). ასეთში განმა-რტებამ, სულ უარყოფითი ნიშნებისაგან რომ იყო შედგენილი და ყოველს მტკიცებითი შინაარსს მოკლებული — შემდეგში გამწვა-ვებული დავა გამოიწვია. ლვთის ოვისების დახასიათების დროს. ზოგს, მაჲმადს შემდეგ, ლმერთი ძალიან საღათ წარმოედგინა, თითქმის კაცის სახით. სხვები, უმთავრესათ სწავლული ლვთის-მეტყველები, პირიქით იქამდი მიღიოდენ, რომ ლვთაებაში ყო-ველს დადებით თვისებას უარყოფდენ; ამტკიცებდენ, რომ ლვთის ბუნება სრულიად გამოუცნობელია აღამიანის გონები-სათვისო. მაგრამ როგორც ბედისწერის საკითხშიაც, თან-დათანობითი განვითარება უფრო უბრალოსა და საღა შეხე-დულობის მხრით მიიმართა, და ყურანის განმარტებანი პირია-პირი მნიშვნელობით გაიგეს; ალეგორიულ ახსნას კი, რაც ძალიან უყვარდათ მუსულმან სქოლასტებს, გვერდი აუხვიეს.

ახალი რელიგიის გასავრცელებლათ ლვთის არსების ასე-თი განმარტება ძალიან სასარგებლო გამოდგა. ისლამის ლმერ-თი ისეთი მარტივი და გასაგებია, თუნდა სრულებით განუვითა-

რებელი გონებისთვისაც, რომ ბარბაროსულ ხალხებში აქამდი იშვიათად ჰქონია რომელსამე რელიგიას ისეთი გამარჯვება, როგორც მაჰმადიანობას; ისლამი ვცელდებოდა და ვრცელდება არა მარტო ცეცხლითა და მახვილით, როგორც ჩვეულებრივათ ფიქრობენ, არამედ. რწმუნებისა და ქადაგების მეოხებითაც.

შინასწარმეტყველები.

ისლამის მეორე ღოგმატი: „მაჰმადი ღვთის მოციქულია“-ი, არ საჭიროებს ბევრ ახსნას. ძველი აღთქმიდან მაჰმადმა გაიგო შესახებ პირველყოფილ ცოდვითდაცემისა და ამაზე ააგო მთელი თვისი მოძღვრება წინასწარმეტყველობაზე. რომ წინდაწინვე გაეფრთხილებია ხალხი ცოდვილი ცხოვრებისგან გამომდინარე შედეგების წინაშე, უფალი გზავნიდა ქვეყნად წინასწარმეტყველებს. ისინი გაბრიელ მთავარანგელოზისაგან გაიგებდენ ხოლმე ნებას ღვთისას და იღებდენ საღვთო განცხადებათ. ბრძოლა კერპთმსახურებთან, ქადაგება წმიდა ერთლმერთობისკენ დაბრუნების შესახებ—აი რა შეადგენდა მათ მთავარ საგანს. მათ მიერ მიღებული განცხადებანი მოგროვილია საღვთო წერილში, როგორიცაა ებრაელთა და ქრისტიანთათვის მოსეს ხუთწიგნი და სახარება. უკანასკნელი წინასწარმეტყველის მოწინავე იესო იყო: როგორც მისმა წინამორბედმა პირებმა, ისე იესომაც, ვითომც, იწინასწარმეტყველა მოვლივება მაჰმადისა, რომელს შემდეგაც ალარ უნდა ყოფილიყო სხვა წინასწარმეტყველი. მაჰმადი, პირველად ყოვლისა, წარმოგზავნილია არაბებთან, ხოლო იმ მოსაზრებით, რომ მათი შემწეობით გაავრცელოს კეშმარიტი მოძღვრება მთელ ქვეყანაზე. ამ კეშმარიტ მოძღვრებას იგი ხშირად უწუნებდა აბრამის რელიგიას, რომელიც თითქმ ებრაელებსა და ქრისტიანებს დაემახინჯებიოსთ. გაჰმადი თავის თავის

თვლიდა ისეთსავე კაცათ, როგორიც იყო უველა სხვა; უურანში ეგ რამოდენიმეჯერ ხაზგასმითაა განმეორებული; წინასარმეტყველი არასოდეს არ იჩემებდა უცოდველობას და ზესთაბუნებრივ ნიჭიერობას, არ თვლიდა თავის თავს, ზაგალ., სასწაულმომქმედათ. სრულიად ბუნებრივია, რომ ისლამის თანდათანობითი ზრდა-განვითარების მიხედვით მისი წარმომშობის პიროვნებაკ უფრო და უფრო მაღლდებოდა ხალხის თვალში. მხოლოდ 160 წელს შემდეგ დღიდან მაჰმადის სიკვდილისა გადმოცემა იწყებს მოთხრობას მის ვითომდა ურიცხვ სასწაულებზე. თვითონ მაჰმადი კი თავის თავს თვლიდა მხოლოდ იარაღათ, რომლის საშვალებითაც ღმერთმა თავისი განცხადება, უკანასკნელი და საბოლოოთ შემუშავებული, უურანში მოგვცა. უურანმა უნდა აღადგინოს ნამდვილი აზრი უველა წინანდელი განცხადებისა უა შეავსოს იგი დროის მოთხოვნილების შესაფერათ. მასშია გამოთქმული დვთის უკანასკნელი სურვილი; ამიტომ უურანის ბრძანების წესიერი ასრულება—უპირველესი მოვალეობაა ყოველი მართლმორწმუნისა. მაგრამ უურანი შეიცავს არა მარტო რელიგიური ხასიათის მოთხოვნილებათ, არამედ საერობო, მოქალაქობრივ კანონებსაც; ყველა ეს, მაჰმადის სწავლებით, მაღლით განცხადებულია, და როგორც ასეთი, იგი უთუო, მუდმივი და უცვლელი მოვალეობაა ყველასათვის. ამ სახით საფუძველი მუსულმანთა მთელი კანონმდებლობისა უურანშია ჩასახული.

უურანი და სუნა.

ამიტომ ცოდნა და გაგება უურანისა უპირველესი მოვალეობაა ყველასათვის. თვითონ ტექსტი ამ წიგნისა არავითარ სიძნელეს არ წარმოადგენს: თითქმის თანამედროვე სამეცნიერო კრიტიკასაც არ შეაქვს ეჭვი მისი ტექსტის სინამდვილეში. ხოლო რაც შეეხება მის ახსნა-გან-

მარტებას, იგი გაცილებით უფრო ძნელი საქმეა. ბევრი ადგილი ბუნდოვანი და ორაზროვანია; უფრო მეტია ისეთი ადგილები, რომელთა მნიშვნელობაც ჩვენთვის გასაგები შეიქნება მხოლოდ მაშინ, თუ გავიგებთ — რა გარემობაში მიიღო მაჰმადმა ესა თუ ის „განცხადება“. ამიტომ მუსულმანი ლვათისმეტყველები ცთილობდენ შეეგროვებიათ, რამოდენათაც ეს შესაძლებელი იყო, უფრო მეტი ცნობები იმის შესახებ, რასაც ლაპარაკობდა და აკეთებდა წინასწარმეტყველი. ამისათვის უმთავრესი წყარო გაღმოცემა იყო, რომელიც დამსწრეთა და მოწმეთა საშვალებით მომდინარეობდა და შემდეგ პირველი ასი წლის განმავლობაში კი ზეპირგადმოცემით ვრცელდებოდა. ეს გაღმოცემა საშვალებას გვაძლევს გავიგოთ, თუ როგორ ესმოდა ყურანის ესა თუ ის ადგილი თვით წინასწარმეტყველს, რომელი შემთხვევები და პირები აქვს სახეში ცალკე ფრაზებს,, როდისაა მოცემული ესა თუ ის „განცხადება.“ ამ გაღმოცემაში ჩვენ შევხვდებით მაჰმადის ბევრს ისეთ განკარგულებას, რომელიც მას მოუცია არა როგორც ლვთის მოციქულს, არამედ როგორც თავის მიმღევართა მრევლის ხელმძღვანელს. თუმცა აქ პირდაპირ „განცხადებას“ ადგილი არ ჰქონია, მაგრამ წინასწარმეტყველის ავტორიტეტი მაინც მეტ წონას აძლევდა მის ჩვენებას. ამნაირათ სუნა, „გაღმოცემა,“ უმთავრესი საშვალებაა, რომლის შემწეობითაც შესაძლოა ადამიანმა შეუფარდოს „სიტყვა უფლისა“ ყოველდღიური ცხოვრების მოვლენებს. იგი, ყურანს შემდეგ, უმთავრესი წყაროა, რომლიდანაც მუსულმანი ლვთისმეტყველები და იურისტები მასალას იღებდენ თავისი სისტემისათვის: როგორც პირველთა, ისე მეორეთა მოღვაწეობას მაჰმადის მოძღვრების ასეთმა ხასიათმა თავისებური ელფერი მისცა. მაგრამ ვინაიდან ხანგრძლივი ზეპირგადმოცემის მეონებით იგი გაღმოცემა ბუნდოვანი შეიქმნა და დამახინჯდა, ამი-

ტომ მისი გაწმენდა ე. ი. გადმოცემის კრიტიკა, მუსულმანური ღვთისმეტყველების ერთს მნიშვნელოვან ნაწილს შეადგენს. ამ „კრიტიკის“ წესები, რასაკვირველია, ჩვენი ისტორიული კრიტიკის წესებს არ შააგავს; მუსულმან სწავლულთ სრულიად არ ავიწროებს თუნდა ფრიად დაუჯერებელი ამბებიც, სასწაულები, ფაკტების ტენდეციური დამახინჯება და სხვა ამისთანა, ოღონდ ამ ამბების ძველობა საეჭვო არ იყოს. მაგრამ მასალის მოკრების მხრით მაჰმადიან სწავლულთა შრომას მაინც მნიშვნელობა აქვს თანამედროვე მეცნიერებისთვისაც.

პვეზნის საბოლოო ბედი.

მუსულმანურ დოგმატიკას უმთავრესათ აინტერესებდა **საბოლოო საკითხები.** ისლამის მესამე დოგმატში მარტივათაა ნათქვამი: „ადამიანი ეკუთვნის ღმერთს და მასთანვე უნდა დაბრუნდეს იგი.“ მაგრამ ყურანი არ კმაყოფილდება ამ უბრალო დებულებით; ჩვენ მასში ამ საგნის ბევრნაირ განმატებას ვპოვებთ. საიქაოცხოვრების დასახასიათებლათ მაჰმადი ისეთ გამოთქმებს ხმარობს, რომელთა თვალსაჩინობაც უკიდურესობამდი მიღის. ადამიანს, ყურანის მოძღვრებით, არ ძალუშს სიცოცხლეში იხილოს „ის ქვეყანა,“ საღაც დგას ღვთის ტახტი და იმყოფებიან ანგელოზები. მაგრამ ვაი მას, ვინც ამისგამო მის არსებობას უარყოფს: საშინელი სინამდვილე წარსდგება მის წინ იმ წუთში, როცა საყვირი „უკანასკნელი განკითხვისა“ გააღვიძებს საფლავებში მძინარეთა, და უთვალავი რიცხვი ცოდვილთა გამოცხადდება უზენაესის ტახტის წინაშე. მაშინ გამოჩენდება სასწორი, რომელზედაც იწონება თითოეულის საქმე, და ღვთის ორი ანგელოზი მოიტანს წიგნს, რომელშიც ნაანგარიშებია ადამიანის ავ-კარგი. ჯოჯო ხეთურ უფსკრულზე გადებულია ვიწრო, ძაფზე უწვრილესი, ხანჯლის პირზე უფრო გააღმასებული ხიღი. იგი სამოთხის-

კენ მიიმართება, და ამ ხიდზე უნდა გავიდენ სულები, უზენა-
ესის განჩინების მოლოდინში; ვინც დახსნილია, თვალის და-
ხამხამების უმაღლ გადავა მეორე მხარეზე, ხოლო დასჯილი
ვარდება უფსკრულში და იქ რჩება საუკუნოთ. სამოთხის
სიტყბოება აწერილია ძალიან ვრცლათ. იქ ნებადართულია
ლვინის სმა, რაც ამ ქვეყნათ აკრძალულია; ხეების ჩრდილში
მოჩიუხჩიუხე წყაროებთან წვანან მართლმორწმუნენი; მათ მსა-
ხურებენ ლამაზი ჭაბუკი; მათვე იქ მოელიან საუკხოო. ტა-
ნადი „გურიები“ („დიდთვალებიანი ქალწულები“), მათი სა-
მოთხის ცოლები. უფრო ნაკლებ ვნებიან მაჰმადი, ამას გარ-
და, ლვთის ხილვასაც პირდება.

დასჯილებს ჯოჯოხეთში, რასაკვირველია, ცუდი დღე
უდგებათ: მათ ხან სიცივე სტანჯავს, ხან საშინელი სიცხე;
ისინი იძულებული არიან ისაზრდოონ საზიზღარი ან შხამია-
ნი საჭელებით; ჯოჯოხეთის დარაჯნი არავის არ უშვებენ ამ
საშინელ სამყოფელოდან. ასეთი წარმოდგენა მომავალ ცხოვ-
რებაზე თვითონ წინასწარმეტყველმა მოგვცა; შემდეგში იგი
ნვითარდებოდა და ლამაზდებოდა წვრილმანის და უმნიშვნე-
ლო ცნობების დამატებით. არსებობს წიგნების მთელი რიგი,
რომელშიც მხოლოდ საშინელი განკითხვის დღეა აწერილი.

ის, რაც მოეთხოვება ადამიანს, რათა მან სამოთხე დაიმ-
სახუროს, განმარტებულია მხოლოდ უარყოფითი მხრით:
ვერც ერთი ურწმუნო ვერასოდეს ვერ იხილავს სამოთხეს და
ვერც გადაურჩება ჯოჯოხეთურ ცეცხლს. მაგრამ ვერც ყოველი
მორწმუნე იქმნება ნატართა თანა: მხოლოდ მოწამენი
ისლამისა, დალუპულნი სალვთო ომებში, და შემდეგ უბიწოთ
დახოცილნი, თუ ისინი მტკიცე რწმენით მოკვდენ, პირდა-
პირ სამოთხეში შევლენ. სხვებმა უნდა წარმოადგინონ განსა-
ზღვრული რიცხვი კეთილ საჭმეთა, უმთავრესათ კი თვითონ
წინასწარმეტყველის შვამდგომლობა, რათა კეთილის ჯამბა.

სძლიოს მათ მიერ ჩადენილი ცოდვების სიმძიმეს. ღვთისმეტყველები ცოლობენ ამის ახსნას ბევრნაირი მაგალითთ, ხოლო საბოლოო უტყუარი დასკვნა ასეთია: ყველაფერი დამოკიდებულია ღვთის კეთილ ბუნებაზე; უფალი მხოლოდ მას იხსნის, ვისი ხსნაც მას სურს.

ისლამის მცნებანი.

მაჰმადიანის რელიგიური მოვალეობანი არ არიან პირდაპირ დაკავშირებული ისლამის დოგმატებზე და, როგორც უუგვიანესი დროის ებრაელთა მოვალეობათ, ისე მათაც წმინდა გარეგნული, ცერემონიული ხასიათი აქვთ: „რაც ნაბრძანებია, უნდა ასრულდესო“ — ასეთია ისლამის კანონი; მსჯელობა აკრძალულია, როგორც სამხედრო სამსახურში, სულერთია, აქვს თუ არა ბრძანებას რამე ზნეობრივი მნიშვნელობა. აჯამიანს უნდა მოექცე სამართლიანათ, და საჭიროა ლოცვის წინ განხანა; ერთიც და მეორეც წერილ არის ყურანში; მათი აუსრულებლობისათვის ადამიანს ანგარიშების გასწორება მოელის საშინელი განკითხვის დღეს. ეს, რასაკვირელია, მუსულმანის წარმოდგენას ღვთაებაზე, როგორც უხიაკ დესპოტზე, მშენივრად შეეფერება; მაგრამ ჩვენთვის საყურადღებოა, რომ მუსულმანის კეთილზნეობა, ამ სიტყვის ჩვენებური მნიშვნელობით, სრულიადაც არ გამომდინარეობს მისი რელიგიოზობიდან. უსაზღვრო „ერთგულება ღვთისამდი“ („ისლამი“) კეთილ საქმეებზე გაცილებით უფრო მნიშვნელოვანია. და თუ მაჰმადიანთა შორის კეთილბუნებოვან ადამიანთა რიცხვი არა ნაკლებია, ვიდრე სხვაგან, უეჭველია ეს მათი რელიგიის გავლენით არ აიხსნება. დამტკიცებულია ისიც, რომ ისლამის თვით დაურღვეველი მცნებანიც, —ხუთი „ბურჯი“ სარწმუნოებისა — ეხებიან განსაკუთრებით ცერემონიებსა და გადასახადის მოკრების წესებს. მართლმორწმუნის პირველი მოვალეობაა

განწმენდა. იგი უნდა განიბანოს ლოცვის წინ, თუ მას ოაშე უწმინდეურების; მაგალ. ლვინის, ლეშის, ურწმუნოსი ან სხვათა შეხება მოხთომია. როგორც ყოველგვარ მუსულმანურ ცერემონიას, ისე ამ განბანასაც ექმნება რაიმესიმბოლიური მნიშვნელობა, როგორც ეს სხვა რელიგიაშიც არის ხოლმე; მისი მიზანია — მისცეს აღამიანს ასეთი სახე, როგორი სახითაც ღმერთს სურს მისი ხილვა. არსებობს განბანა ორგვარი: ჩვეულებრივი, პატარა, როცა იბანება პირისახე, ხელები იდაყვებამდი და ფეხები კოჭებამდი. იგი ხთება „მცირე გაუწმინდეურებას“ შემდეგ, ყოველი ლოცვის დასაწყისში და დილას, ადგომის დროს. განსაკუთრებულ შემთხვევებში სავალდებულოა მთელი ტანის განბანა (ე. წ. დიდი გაწმენდა): ქალებისთვის, მაგალ. მშობიარებას შემდეგ. თუ წყალი არ იშოვება, „გაწმენდის“ შესრულება სილის საშვალებითაც შეიძლება.

ლოცვა,

მეორე, ყველაზე მეტათ საგულისხმო მოვალეობა, რომელიც უწინარეს ყოვლისაა ნაბრძანები წინასწარმეტყველის მიერ, არის **ლოცვა**. ყველა ნათქვამს შეძლებ არაა გასაკვირველი, თუ მუსულმანური. ლოცვა თავისი შინაარსით ცოტათი წააგავს ქრისტიანულს. იგი თუმცა კი აღსავსეა სასოებით, მაგრამ მაინც არ არის დანდობილი, იმედით აღსავსე მიმართვა მლოცველის ზეციერი მამისადმი, არამედ მოკრძალებული გაცვიფრებაა, პატივისცემითი თრთოლვა ქვეშემრდომისა ცისა და ქვეყნის მკაცრი ხელმწიფის წინაშე. და კინაიდგან არ შეიძლება ნება დართო აღამიანს — მიმართოს მან ზენაარსს გარემოებისთვის შეუფერებელი სიტყვებით ან ტანის მიმოხრით, ამიტომ ლოცვა შესდგება სამუდამოთ განსაზღვრული მცნებათა მთელი რიგით, რომელთა შორის ჩაირთვის ხოლმე ყურანიდან ამოღებული ლექსები და გამოითქმიან ტანის განსაზღვრულ მდგო-

მარეობაში. ყველა ფრაზა და ტანის მიმოხვრა შესდგენს ერთ მობრუნებას ანუ საქცევს (რეკა); ყოველი ლოცვა შესდგება რამოდენიმე ასეთი მობრუნებისგან. აი მაგალ. ერთი მათგანი: მლოცველი სახეს მიიღებს უწინარეს ყოვლისა მექისკენ (ახლა, უფრო მეტი სისწორისთვის, ზოგიერთი კომპასით სარგებლობს). სიტყვებს: — „დიდ არის უფალი!“ პირდაპირ მოყვება ყურანის პირველი სურა: „სახელითა უფლისათა, მოძღვარისათა! დიდება ღმერთსა, ქვეყნების მეუფეს, კეთილმოწყალეს, განკითხვის დღის ბატონს! შენ გმსახურებთ, შენ გევედრებით დახმარებას. გვატარე ჩვენ სიმართლის გზით, მათი გზით, ვისაც შენ ღირსყოფ შენს მოწყალებას, ვისზედაც შენ არ წყრები. ვინც არ აცდება სწორ გზას: ამინ.“ შემდეგ 112 სურა: „დიდ არს უფალი! უაღრესობა უფლისა დიდისა ჩემისა; და იყოს ნება უფლისა მოსმენა მისი, ვინც ადიდებს მას. დიდ ხარ შენ, უფალო ჩვენო!“ (მუხლების მოყრით). „დიდ არს უფალი! დიდ არს!“

ჩვეულებრივ დღეებში ლოცვა სრულდება: 1) ალიონსა და მზის ამოსვლას შუა (4 მობრუნება); 2) შუა დღეზე (8 მობრუნება); 3) ნასაღილევს, მზის ჩასვლამდი(5რეკა); 4) დაღა-მებისას (6 რეკა). განსაკუთრებული ღვთის შმოსავნი ლოცულობენ შუაღამეზეც. ორი ლოცვის შეერთება აკრძალულია. ლოცვის ჟამს იტყობინება მუედინი (ამსალურათ მუედინი, ქადაგი) მინარეტის მწვერვალიდან. თავისთავათ იგულისხმება, რომ მას კარგი ხმა უნდა ჰქონდეს. გარდა ამისა, ამ თანამდებობაზე ყოველთვის ბრძებს ირჩევენ იმ მოსახრებით, რომ მუედინმა კოშკის მწვერვალიდან პარამხანის შიგა მოწყობილობა ვერ დაინახოს.

პარასკევს, შუადღის ლოცვას საზოგადო ღვთისმსახურების ხასიათი აქვს; მთელი მრევლი მეჩითში იკრიბება; მუედინის მოწოდებას შემდეგ ყველა წარმოსთქვამს ლოცვას. ორ „მობრუნებათ“, შემდეგ მეჩითის ორი მსახური ასრულებს რაღაცას,

ლიტურგიასებურს; „იმამი“ — მთავარი მკითხველი — ადის კათელრაზე და წარმოსთქვამს ხოტბეს, — დარიგებათა მთელ რიგს, ყურანიდან ამოღებული ლექსებით მორთულს, რაღაცას მოკლე ჭაღაგების მსგავსს. ამას მოყვება წყნარი საერთო ლოცვა და ხელახლა ხოტბე. ამჯერათ იგი იწყება სარწმუნოების აღსარებით, ხოლო შემდეგ მოყვებიან ლოცვებს: მაჰმადისა და მისი სახლეულობისათვის, ისლამის პირველ აღმსარებელთათვის, ყველა მლოცველთათვის საზოგადოთ, მუსულმანური იარაღის გამარჯვებისათვის და, განსაკუთრებით კი, მმართველი ხელმწიფისათვის, რომელიც მაჰმადიანთა ქვეყნებში, დასაწყისში მაინც, ითვლებოდა ერთსა და იმავე დროს საერთო და სასულიერო მთავრათ. იმისთვის ლოცვას ის მნიშვნელობა პქონდა, რომ ამით მართლმორწმუნენი თავის თავს მის ქვეშმრდომათ აღიარებდენ. მეორე ხოტბეს შემდეგ იმამი დგება მეხრაბის წინ (მეჩითის კედელში დატნეული სილრმავეა მექის მხრით) და ასრულებს ლოცვას ორ „მობრუნებათ“; მასთან ერთად ყველა იქ მყოფი უცვლელათ იმეორებს მის მოძრაობას, შემდეგ იშლებიან ისინი მეჩითიდან და თავთავის საქმეს ეკიდებიან: პარასკევი უქმე დღეთ არ ითვლება.

როგორი, დღის განმავლობაში რამდენჯერმე გასამეორებელი ცერემონიები სწორეთ აწუხებს მართლმორწმუნეთ, მაგრამ მაინც ამ წესებს ყველა წარმოუდგენელი გულმოდგნებით ასრულებს. ამ ცერემონიებმა, თავისი მხრით, თვალსაჩინო სარგებლობა მოიტანა მით, რომ ისლამის არსებობის პირველ ხანშივე აჩვევდა არაბებს წესრიგსა და დისტანციას; მშვიდი, ზომიერი მოძრაობით მაჰმადიანი ახლაც ირჩევა ხალხში. მაგრამ, ზოგი მისღიური სეკტისა და პიროვნების გამონაკლისით ჩვენ ვერ ვპოულობთ მასში რელიგიურს უმაღლეს განცთას. ლოცვა მისთვის - მოვალეობაა, ღვთის მიერ ჩვენდაში დაკისრებული, მოვალეობა ძალიან ძნელი და არასიამოვნო, მაგრამ

მისი ასრულება აუცილებელია, თუ გინდა — არ გაიფუჭო ანგა-
რიში ცოდვისა და კეთილის საანგარიშო წიგნში, რომელ-
ზედაც ცაში ანგელოზები მუშაობენ. ლოცვა, ამ სიტყვის ჩვე-
ნებური მნიშვნელობით, მუსულმანისთვის ზედმეტია: ხომ კი
აღრევეა განსაზღვრული მისი ბედი. თუ იგი მიმართავს ღმერთს,
ეს მხოლოდ იმიტომ, რომ ვამოხატოს მისდამი უსაზღვრო ერ-
თგულება..

მარხვა.

მესამე ადგილი „უმთავრეს მოვალეობათა“ შორის უკა-
ვია **მარხვას** რამადანის (ანუ, ოშალური გამოთქმით, რამაზა-
ნის) თვის განმავლობაში. იგი წარმოადგენს საჭმელ-სასმელსა
და საზოგადოთ ყოველგვარი სიამოვნების (სურნელოვანი წვე-
თების, თუთუნის, ჭითქმის ბანაობისასაც) დათმობას მთელი დღის
განმავლობაში, მზის აშოსვლიდან ჩასვლამდი. მაჰმადმა ეს მარ-
ხვა დეკემბერში შემოილო. მაგრამ რაღვან მაჰმადიანთა მთვა-
რის წელიწადი ვერ უთანასწორდება მზის წელიწადს, ამიტომ
რამადანი თვიდან თვეზე გადადის და 33 წლის განმავლობაში
წელიწადის ყველა დროს უვლის. როცა მარხვა ზაფხულშია,
იგი მუსულმანისთვის მძიმე დანაკლისს წარმოადგენს. თუმცა
უფრო თავისუფლათ მოაზროვნე პირები ჩუმათ სტეხენ მას,
მაგრამ კეშმარიტი მორწმუნენი — ესენი კი აღმოსავლეთის
ქვეყნებში დიდ უმრავლესობას შეადგენენ — მკაცრათ ასრუ-
ლებენ ბრძანებას. ადვილათ შეიძლება იმის წარმოდგენა, თუ
როგორი გასაძლებია ზაფხულის დღეს ეგვიპტის ან ინდოეთის
მწვავ მზეში ისე, რომ პირში წვეთი წყალიც არ ჩაუშვა. სამა-
გიეროთ ღამეობით, ცხადია, ეცდება მაჰმადიანი დააჯი-
ლდოვოს თავისი თავი მთელი დღის განმავლობაში თმენისთვის;
მაგრამ დაუსრულებელი თვის ბოლოს მაინც ყველა მოუთ-
მენლათ ელის. რამადანის ოცდამეშვიდე დღის წინაღამე ითვ-

ლება განსაკუთრებით წმიდათ: იგია leitet-el-kadr ე. ი. „ლამე ზიზლისა“, — ლამე, როცა მაჰმადი გახთა წინასწარმეტყველი იმ განცხადების საშვალებით, რომელიც ინახება ყურანის ოთხმოცდამეთექვსმეტე სურაში. რამადანის გათავებით გამოწვეული სიხარული გამოიხატება დღესასწაულში „მარხვის ცეხაში“ (ასმალურათ მცირეანუ შაქრის „ბეირამი“, განსხვავებული დიდი ბეირამისგან). იგი ხთება შემდეგი თვის, შავალას, პირველს სამ დღეში, და მაშინ ყოველგვარი გასართობით ატარებენ ღრიას. მარხულობისგან თავისუფლდებიან მხოლოდ ავალმყოფნი, მოგზაურნი და ჯარისკაცები ომის ველზე; მაგრამ ისინი მოვალენი არიან შემდეგში შეავსონ მარხულობის დანაკლისი. რამადანს გარდა წლის განმავლობაში კიდევ რამოდენიმე მარხვაა, ხოლო არა ყველასთვის სავალდებულო.

წმიდა აღგილებგში მოგზაურობა.

კიდევ უფრო მძიმეა მართლმორწმუნის მეოთხე მოვალეობა — მოგზაურობა წმიდა აღგილებში. როცა მაჰმადმა, არაბთა უძველესი ნაციონალური საკურთხეველის მონახულება მოვალეობათ აღიარა, მან, რასაკვირველია, წინათვე ვერ მოისაზრა, რომ შემდეგში ამ ბრძანების ასრულება ათასეულ მუსულმანს აიძულებდა ასეული მილის სიშორიდან მექისკენ გამგზავრებულიყო. არაფერი არ გვიჩვენებს ისე ნათლათ, თუ რამოდენათ სერიოზულათ ეპყრობა მაჰმადიანი თავის მოვალეობას, როგორც ეს მექის მოგზაურობა რამოდენიმე მილიონი ხალხისა, რომელიც გაბნეულია საშვალო აზის ველებში, ზონდის კუნძულებზე, აღსუირსა და მაროკოში. მგზავრობაში ღარიბთ ხშირათ უხთებათ მოწყალებით კვებვა, თავის გაჭირავება ტვირთვის მზიდველის თანამდებობაზე, მაგრამ მაინც წინ მიდიან; წვალებით გამოაქვსთ თავი მექაში დღესასწაულის დამთავრებამდი და შემდეგ იმავე ხერხით:

უკანვე ბრუნდებიან. კანონის ზოგიერთი ამხსნელი, მართალია, მოადგილის გაგზავნის ნებართვას იძლევა; ამას გარდა, არის შემთხვევათა მთელი რიგი -- სიღატაკე, ავათმყოფობა, უთავისუფლობა და სხვა, რომელიც მართლმორწმუნებს მოგზაურობისაგან ანთავისუფლებს. უახლოეს დროში, როცა სუსტ-დება რწმენა ისლამშიც კი, მაჰმადისნთა დიდი უმრავლესობა ცდილობს მოიმიზებოს ისეთი რამ, რაც გაათავისუფლებს მას ამ მძიმე მოვალეობისაგან. მიუხედავათ ამისა ყოველ წელიწადს ათიათასობით გროვდება ხალხი მექაში.

გადააბიჯებს თუ არა წმიდა ადგილების მლოცველი ქალაქის საზღვარს, უწინარეს ყოვლისა იგი **იხრაშით**, მეზავრის ტანისამოსით შეიმოსება. იხრამი წარმოადგენს რომელიმე მატერიის ორ ნაკვერს, რომელთაგან ერთი თემოებზე შემოიხვევა და მეორე მხარზე გადაიგდება; ფეხზე სანდლების ჩატარების ჩატარების მიზანისათვის მეტად ცხელ თვეშიც მოხდეს. მექას მისვლასთანავე მოგზაურნი ქაბისკენ მიეშურებიან. მაჰმადის დროიდან ეს საკურთხეველი არა ერთხელ დანგრეულა და ხელახლა აშენებულა, ხოლო თვისი ზოგადი პირველი სახე მაინც შეუნარჩუნებია. იგი წარმოადგენს არა მთლათ სწორ კუბიკს, რომელსაც სიგრძით, დაახლოებით, 40 ფუტი აქვს, სიგანით — 30 და სიმაღლით 35--40. ნამდვილი ზომა არ ვიცით, ვინაიდან „ურწმუნოებს“ საღვთო ნიაღაზე გავლა სიკვდილის მუქარით აქვსთ აკრძალული; ამიტომ ზოგიერთი ქაბის შნახველი მოგზაური (მე—XIX—ე საუკ. სულ სამი იყო), შეიპარა შიგ ჩუმათ, რაღვან თავი მუსულმან პილიგრიმათ გამოაცხადა. ცხადია, რომ ასეთ პირობებში მათთვის შეუძლებელი იქნებოდა გაზომვა, ჩაწერა და სხვა, და ესენი იძულებული იყვნენ, დაკმაყოფილებულიყვნენ ზოგადი შთაბეჭდილებით. უწინარეს ყოვლისა ქაბა ოთხივე მხრით დაფარუ-

ლია შავი აბრეშუმით, რომელიც საჭიროების დროს ფარდა-
სავით აიხთება; ამ მატერიის გამოგზავნა—განსაკუთრებული
პრივილეგიაა ოსმალეთის სულთანისა, როგორც წანასწარმე-
ტყველის მოადგილისა. ქაბა დგას გაშლილ მოედანზე, რო-
მელსაც სიგრძით 200 და სიგანით 150 ნაბიჯი აქვს; მოედანი
გარშემორტყმულია ფართო კოლონადით (სვეტების 6 რიგია),
რომელიც საუცხოო სანახაობას წარმოადგენს ღამე, როცა
მას ათასეული სანათური აშუქებს. თვითონ ქაბაში მაჰმა-
დის დრომდი ჩამწკრივებული იყვნენ კერპნი; ახლა იგი ცა-
რიელი უნდა იყოს. მისი ოთხი კუთხე დაახლოვებით გვიჩვე-
ნებს ქვეყნის ოთხ მხარეს; აღმოსავლეთის მხრით, მიწიდან
4—5 ფუტის სიმაღლეზე კედელში დატნეულია სახელგან-
თქმული „შავი ქვა“, კვერცხივით რგვალი, სიგანით 7 ღუ-
მი; უსწორ-მასწორო ზედაპირით. მეტეორია იგი, ლავის ნა-
ტეხი ოუ სხვა რამე—აქამდი გამოურკვეველია, უმთავრესათ
იმიტომ, რომ მისი ზედაპირი ურიცხვ თაყვანისმცემელთა ტუ-
ჩებითაა გადალესილი, სწორეთ ისე, ვით წმ. პეტრეს ქანდაკების
დიდი თითი რომში. ძველ მექაში იგი ითვლებოდა რელიგიური
თაყვანისცემის საგნათ: საღვთო ქვებს, საზოგადოთ, ხშირათ
შეხვდებით სემიტებში. მაჰმადმა დასტოვა იგი ქაბაში და თა-
ვიც არ შეუწუხებია—აეხსნა, სახელდობრ რით დაიმსახურა
ამ ქვამ მართლმორწმუნეთა თაყვანისცემა, და აი პილიგრი-
მები დღესაც დიდი სასოებით ეხებიან მას ტუჩებით, თუმცა
მისი მნიშვნელობა არც ერთ მათგანს არ ესმის. ფიქრობენ,
თითქო ქაბა ადამის დროს იყოს დაარსებული; წარლვნის მე-
რე იგი ხელახლა აშენდა აბრაამის (იბრაგიმის) მიერ, მაგრამ
შემდეგში წარმართნი ბილწავდენ მას კერპმსახურებით, სანამ
არ გამოიგზავნა მაჰმადი ჭეშმარიტი სარწმუნოების აღსაღე-
ნათ. ქაბასთან არის ჭა შემსე-ი, ვითომ აშენებული იმ წყაროს
აღგილზე, რომელმაც აგარი და ისმაილი უდაბნოში სიკვდი-

ლისგან იხსნა. ურწმუნოთათვის ამ ჭის შეცალი უგემურია და არა სასიამოენო სასმელი, ხოლო მორწმუნენი დარწმუნებული არიან, თითქოს იგი ყოველგვარ ავათმყოფობას უხდება, და პილიგრიმები სმენ მას გატაცებით, რაკი მოიხთიან თავის მოვალეობას — ქაბას შემოუვლიან შვიდჯერ და „შავ ქვასაც“ ამოდენიმეჯერვე ემთხვევიან.

უდიდესი დღესასწაული აქვე კი არა, მინის ვაკეზე, ქალაჭის მიდამოებში ხთება, დულჰიჯის თვის 10 რიცხვში. წინა ღამეს, 9-ს, მლოცველნი მიდიან არაფატის მთაზე, რომელიც მდებარეობს დასავლეთით ვ მილის მანძილზე, საღაც, გადმოცემით, მთავარანგელოზი გაბრიელი ასწავლიდა ადამს, როგორ უნდა ედიდებია მას შემოქმედი. მეორე დილას მგზავრები მიეშურებიან მინის ვაკისკენ. პილიგრიმები გროვდებიან ამ ვიწრო ჩანგრეული ადგილის. აღმოსავლეთ კუთხეში, რომლის დასავლეთის გამოსავალიც მექისკენაა მიმართული, და ასრულებენ ასეთ ცერემონიას: ტრაპეზზე ან სვეტზე, იქვე რომ დგას, თითოეული მათგან „ისვრის შვიდს პატარა კენჭს“. იგივე მეორდება ვაკის შვა გულში და დასავლეთის კუთხეშიც. როგორც ლვთისმეტყველნი ხსნიან, ამაში გამოიხატება აბრაამის მოგონება, რომელმაც გაბრიელ მთავარანგელოზის ოჩევოთ ამგვარი საშვალებით გადენა ეშმაკი, პატრიარქისთვის გზის გადაღობებას. რომ ცდილობდა, ამას მოყვება მსხვერპლის შეწირვა, დღესასწაულის დამაბოლოებელი ბრწყინვალე აკტი. ყოველი მართლმორწმუნე ყიდულობს ცხვარს. ბერუინებისაგან, რომელნიც აქ თვისი ფარებით განგებ ამ შემთხვევისთვის იკრიბებიან, და მიმართავს თუ არა იგი ქაბას. ამ სიტყვებით: „სახელითა უფლისათა, კეთილმოწყალისათა! დიდ არს უფალი!“ ცხოველს კისერს გამოუღადრავს. მსხვერპლის შეწირვით თავდება დღესასწაული (ხაჯ — აქიდან მუსულმანი პილიგრიმის სახელი „ხაჯი“); პილიგრიმები იხთი-

ან ტანისამოსს, მაგრამ კიდევ ორ დღეს იცთიან მინის ვაკეზე და შვადლეობით იმეორებენ ხოლმე კენჭის სროლის ცერემონიას.

ისეთებისთვისაც, ვისაცარ შეუძლია **ხაჯის** თვით მექაში შესრულება, დულპიჯის თვის სამი დღე (10—12) მაინც არ კარგავს თავის საღვთო მნიშვნელობას: მუსულმანთა ყოველ ქვეყანაში იხთიან „დიად დღესასწაულს“ (ოსმალთათვის კორბან-ბეირამი), „დღესასწაული მსხვერპლისა“): კლავენ სამსხვერპლო ცხოველებს, ასრულებენ განსაკუთრებულ ლოცვებს და სხვათა. მაგრამ რამადანის ბოლო (პატარა ბეირამი), როგორც სახალხო დღესასწაული, გაცილებით უფრო მეტი სიცხოვლით ხასიათდება.

მოწყალება.

სჯულის კანონის უკანასკნელს, მეხუთე მოვალეობათ ითვლება **მოწყალება**, რამაც ნამდვილი სახელმწიფო გადასახადის ხასიათი მიიღო მას შემდეგ, რაც მაჰმადის მიმდევართა მრევლისგან მოელი იმპერია შესდგა.

წესით ეს გადასახადი აღემატება მთელი უძრავ-მოძრავი ქონების $1/40$ -ს ($2^{1/2} \%$), რომლის შემოსავალიც უნდა მოხმარდეს საქველმოქმედო საქმეებს და „ლოთის გზის“ საჭიროებას, ე. ი. ისლამის გავრცელებას. ცხადია, რომ დესპოტების თვითნებობასა და ხარჯის მკრეფთა მატყუარობას ფართო ასპარეზი ექმნება განსაკუთრებით ჩვენს დროში. ლარიბთა სასარგებლოთ დაწესებული გადასახადი სახელმწიფო შემოსავლის მცირე ნაწილს შეადგენდა; დავლა და დაპყრობილი ხალხების ხარკი იძლეოდა გაცილებით მეტ თანხას.

ურჯგუნოებთან ბრძოლა.

ჩამოთვლილის ხუთი მოვალეობის მოხთით კი არ თავდება „მართლმორწმუნეთა“ ლოთისადმი მოვალეობა, თუმცა იგია

მისი უმთავრესი ნაწილი; არის კიდევ ბევრ გვარი ბრძანება, რომელთა შორის საღვთო ომი, **ჯიხადი**, პირველ პლანზეა მოთავსებული. წარმართთა წინააღმდეგ ომი—უეჭველი მოვალეობაა; ებრაელთა და ქრისტიანთა წინააღმდეგ კი---იმ შემთხვევაში მხოლოდ, თუ სამჯერ მოიპატიუეს ისინი ისლამის მისაღებათ, და მაინც კიდევ ჯიუტობენ, ცოტნებულ გზას არ უხვევენ. ასეთ შემთხვევაში დამარცხებული ტომის მამაკაცები ამოწყობიან, ქალები და ბავშვები კი მონებათ იქცევიან. ომში დახოცილი მუსულმანები სარწმუნოების აღმსარებლათ ითვლებიან, და სამოთხის ნეტარება მათვის უკვე მზათაა. მაინცდამაინც, ებრაელებთან და ქრისტიანებთან ზავის ჩამოგდება და თითქმის ხელშეკრულებაც, როგორც ამას თვითონ წინასწარმეტყველიც ხშირათ შვრებოდა, ნებადართული იყო.

ზეობრივი მოვალეობანი.

მაჰმადიანი გულმოდგინეო იცავს დაღვენილებას სასმელ-საჭმელის შესახებ. „უწმინდურ“ ცხოველებზე წარმოდგენა, საჭმელში სისხლის ხმარების აკრძალვა, აკრძალვა ლეშისა ან დამხრჩალის, საზოგადოთ დაუკლავი ცხოველის ხორცისა, ყველა ეს ყურანს ძველი აღთქმიდან აქვს გადმოღებული. უწმინდურ ცხოველთა რიცხვს ეკუთვნიან მტაცებლები, მერე კატები, ძალლები და ლორები. წინააღმდეგ ზოგი თანამედროვე მაჰმადიანის ახსნა-განმარტებისა, წინასწარმეტყველმა უკრძალა ყოველივე დამათრობელი სასმელი; თუ ყურანში მოხსენებულია მხოლოდ ყურძნის ღვინო, ეს იმიტომ რომ მაჰმადს სხვა რომელიმე სასპირტო სასმელი არ ენახა. მაგრამ ისლამის ისტორიაში, განსაკუთრებით უკანასკნელი ომიადების ეპოქაში, იყო ისეთი პერიოდებიც, როცა ლოთობა მაჰმადიანი საზოგადოების უმაღლეს წოდებაში, ძალიან გავრცელებუ-

ლი ბიწიერება იყო. ჩვენს დროშიც ხშირათ ცოდავენ ამ მხრით, თუმცა აშკარათ ღვინის სმას ძალიან ცოტა თუ ბედავს.

ყურანის სხვა დადგენილებათა შორის დიდი ისტორიული მნიშვნელობა აქვს ქორწინებისა და ოჯახის საკითხს. თვითონ წინასწარმეტყველმა აღიარა და თითქო აკურთხა თავისი მაგალითით მრავალცოლობა და ამ მხრით ძალიანაც ავნო მუსულმან ხალხებს. ამან უწინარეს ყოვლისა დიდი ზიანი მოუტანა ქალის მდგომარეობას, რომელსაც ყურანი საზოგადოთ დაბალ საფეხურზე აყენებს, თუმცა კი მორწმუნე მუსულმან ქალებსაც არ მოაკლო საიქაო ნეტარება: მაპმადის სამოთხე მისაწდომია არა მარტო მამაკაცებისათვის. სამაგიეროთ ამ ქვეყნათ მამაკაცის განუსაზღვრელი უფლება განქორწინების საქმეში ქალებს უიარალოთ სტოვებს მამაკაცის სურვილების წინაშე. ბავშვების მდგომარეობა სამაგიეროთ ყურანმა ძალიან გააუმჯობესა. ისინი მემკვიდრეობენ მამის ქონებას, თუ კი მამა მათ სთვლის მემკვიდრეებათ და არა მათი დედისას; შვილი მხევლისა ისეთივე მემკვიდრეა თავისი მამისა, როგორც შვილი კანონიერი ცოლისა. შვილები თანასწორათ იყოფენ ქონებას; თვითონ მამის საანდერძო განკარგულებაშია მთელი ქონების მხოლოდ $\frac{1}{3}$ ნაწილი; ქალიშვილები იღებენ ძმებზე ორჯერ ნაკლებს.

მონების მდგომარეობაც შეამსუბუქა ყურანმა: ბატონი მოვალეა მონას ადამიანურათ მოეპყროს; ძონის განთავისუფლება კი—სამადლო საქმეა.

II.

ხალივატის წარმოშვობა და განვითარება *).

632 წელს მაჰმადი მოულოდნელათ გადაიცვალა, და პირველი საკითხი, რომლის გადაჭრაც მჭიდროთ იყო შეკავშირებული მაჰმადიანობის ბედზე, იყო საკითხი იმის შესახებ, თუ ვის უნდა დაეკავებია მაჰმადის აღვილი. მოციქულის ბუნებრივ მემკვიდრეობა თავის თავს მაჰმადის სიძე, ალი რაცხდა, მეუღლე მოციქულის საყვარელი ქალიშვილისა — ფატიმესი. ხოლო ალიმ თავის მიზანს ვერ მიაღწია. აიიშა, უსაყვარლესი მაჰმადის ცოლებს შორის, ზიზლით უცქერდა ალის, როგორც ქმარს თვისი შეურიგებელი მეტოქის ქალისას. აიიშას სხვებიც შეიმხრენ, და ამგვარათ მოციქულის ტახტზე ამაღლება თვისი სუფალი არჩევნების წესით მოახდინეს. ასე დაუთმო აღვილი პირდაპირი მემკვიდრეობის პრინციპმა არჩევნის წესს.

პირველი მემკვიდრე (ხალიფი) მოციქულისა ამიტომ ალის მაგიერ აბუ-ბეკრი აღმოჩნდა.

როგორი იყო მოღვაწეობა აბუ-ბეკრისა?

მაჰმადის სიკუდილმა და მემკვიდრეობის საკითხმა თავიდანვე არეულობა გამოიწვია, რომელიც თანდათან იზრდებოდა და ახალ სახელმწიფოს საფრთხეს უმზადებდა. ამ არეულობის მოსპობა, აშკარაა, პირველი მოვალეობა იქმნებოდა ახალი ხალიფისა. ხოლო ამავე დროს არა ნაკლებ ვალდებულათ რაცხდა იგი თავს — სირიის დასაპყრობათ მომზადებულიყო, კინაიდან თვითონ მოციქულის განზრახვა, რომლის ასრულებაც მას სიკუდილმა არ დააცალა, ასეთი იყო. ამიტომ ხალიფის თანამშრომელნი ორ ნაწილათ გაიყვენ: ერთნი არეულობის მოსპობას ურჩევდენ აბუ-ბეკრს, და მეორენი კიდევ — მო-

*) მთელი ეს თავი შედგენილია რედაკტორის მიერ. დ.უ.

ციქულის განზრახვის სისრულეში მოყვანას. აბუ-ბეკრი ამ უკანასკნელთა რჩევას მიემსრო, ვინაიდან მან შეიგნო, რომ სწორეთ გარეშე ომი შეიძლებდა ყველაზე უკეთ შინაური მღელვარების დამყუდრებას. და მისი იმედი გამართლდა: სირიასთან ბრძოლამ მაჰმადიანნი ერთბაშათ გაიტაცა და შინაგან მღელვარებას საფუძველი გამოაცალა.

აბუ-ბეკრი მალე გადაიცვალა, და მისი ადგილი გმირმა ომარმა დაიკავა. თავისთავათ იყულისხმება, რომ ამარის პოლიტიკა უაღრესათ სამხედრო პოლიტიკა იქმნებოდა, და მისი ხალიფობის დროს მაჰმადიანთ ბატონობამ მძლავრათ გაშალა. ფრთხები თითქმის მთელ აღმოსავლეთში; ისლამს დაემორჩილა საბოლოოთ სირია, ეგვიპტე, ახალი სპარსეთიკ, და ყველგან მაჰმადიანობამ ლრმა ფესვები გაიღგა; ეტყობოდა, ისლამი აღმოსავლეთის ხალხის გემოვნების საუკეთესო გამომხატველი იყო. ეს განსაკუთრებით აშკარა შეიქმნა მას შემდეგ, რაც ახალი რელიგია ინდოეთსაც მოეფინა, შემდეგ თანამედროვე ბუხარასა და მთელ თურქეთსანში შეიქრა და ბოლოს სომხეთის საზღვრებიც გადალახა. ასე გაბატონდა ისლამი აღმოსავლეთში, და ყველა ეს რაღაც ოციოდე წლის განმავლობაში მოხდა მაჰმადის სიკვდილს შემდეგ.

ასეთი ფართო გავრცელება ახალი მოძღვრებისა მისს სისტემატიურ შემუშავებას. მოითხოვდა, და მესამე ხალიფის, ოსმანის უმთავრესი მოვალეობაც სწორეთ ასეთ შემუშავებაში გამოისახა: ოსმანმა ძალა არ დაიშურა, და ყურანის უკანასკნელი რედაქტია მის დროს ეკუთვნის.

რით აიხსნება ასეთი სწრაფი განვითარება და გავრცელება ისლამისა?

ისტორიკოსები თითქმის ყველა ერთგვარათ ხსნის ამ საკვირველ მოვლენას. აღმოსავლეთის ბეჭი იმ დროს ორ სახელმწიფოზე იყო დამოკიდებული; პირველი იყო სპარსეთი

და მეორე კიდევ ქრისტიანული ბიძანტია. ხოლო ორივე იშ-
დროს კრიზისს განიცდიდა. მძლავრი სპარსეთი ბიძანტიას
დაეჯახა, და შედეგი ამ დაჯახებისა სპარსეთის დაუძლურება.
აღმოჩნდა; მაგრამ არც ბიძანტია წარმოადგენდა მაშინ დიდსა.
და საშიშ ძალას: რელიგიურმა ბრძოლამ მონოფიზიტებსა და
მართმადიდებელთ შორის გათიშვა შეიტანა სახელმწიფოში,
და როდესაც არაბნი ცეცხლით და მახვილით მოევლინენ
სიჩიასა და ეგვიპტეს, აქ მცხოვრებმა მონოფიზიტებმა თვის-
თანამოძმეთა დევნა-კრულვას უცხო არაბთა ბატონობა არჩიეს.

მაგრამ ყველა ეს მიზეზი მხოლოდ არაბთა ძლევა-მოსილობას
ხსნის. ხოლო ისლამის დამკვიდრების ახსნა მის შინაგან თვის-
სებებში უნდა ვეძიოთ: იგი მარტივი მსოფლმხედველობაა,
რომლის გაგებაც უძრავი აღმოსავლეთის გონებისთვისაც
ადვილი შესაძლებელი იყო, და ამავე დროს მისი დებულებანი-
საღმრთო ბრძოლისა და სამოთხის ცხოვრების სიტკეობათა
შესახებ საუკეთესოთ შეეფერებოდა აღმოსავლეთის ტომთა ვე-
ლურ ინსტინკტებსა და სურვილებს.

ასეთი იყო ბატონობა პირველი სამი ხალიფისა. ხოლო
ალი არ სცხრებოდა. იგი თანდათან აძლიერებდა თვის მიმ-
დევართა ჯგუფს, და ბოლოს ოსმანის სიკვდილს შემდევ მო-
ციქულის ტახტზე ალი ავიდა. მისი მტერი, მოციქულის სა-
ყვარელი მეულლე აიიშა არ სცხრებოდა და ალის ოსმანის
სიკვდილი დააბრალა. ამ გარემოებამ ბრძოლა გაამწვავა, მით
უმეტეს რომ პირად წინააღმდევობას რელიგიური სხვადასხვაო-
ბაც ჩაექსოვა; საქმე იმაშია, რომ აიიშას, როგორც მოციქუ-
ლის საყვარელ ცოლს ბევრი ცნობა ჰქონდა მაჰმადის ცხო-
ვრებიდან, და ყველა ასეთ ცნობას კი ის მნიშვნელობა ახა-
სიათებდა; რომ მისი საშვალებით ყურანის ბევრი გაუგებარი
ადგილის გაშუქება შეიძლებოდა. ამიტომ მაჰმადიანებმა ასეთ
ცნობათა კრებული ან სუნნა შეადგინეს და ყურანის გასაგებათ-

მით ხელმძღვანელობდენ. ალი, როგორც მოსისხლე მტერი აიიშასი, ეჭვი არაა, ვერ გაიზიარებდა ვერც იმ ცნობების რწმენას, რომელთა უმთავრესი წყაროც სწორეთ აიიშა იყო. ამიტომ იჯი საზოგადოთ მტერი შეიქნა სუნნისა და თავის მომხრეებსაც ამ უკანასკნელისაღმი რწმენას უკრძალავდა. მას თვის მომხრეებთან ერთად მხოლოდ ყურანი სწამდა და არა-ბებში ცნობილი იყო შიიტის სახელით. მისი მოწინააღმდეგენი კი აიიშასთან ერთად სუნნიტებს უწოდებდენ თავის თავს. ასეთი იყო ის რელიგიური უთანხმოება, რომელიც პირად უთანხმოებასთან ერთად ჩაისახა და განვითარდა.

ალის მხოლოდ ხუთი წელიწადი დაცალდა ტახტზე ჯდო-მა. სირიის მართველმა მოავიამ თავის თავზე აიღო ოსმანის სისხლის აღება და 661 წელს ალი მისი მახვილის შსვერპლი შეიქმნა. მოციქულის ტახტზე თვითონ მოავია ავიდა და დასაბამი მისუა ახალ დინასტიას არაბეთში: ომაიადებს. პირ-ველ ხანებში მთელ ენერგიას შიიტებთან ბრძოლა ითხოვდა, ხოლო როდესაც ალის მიმდევარნი დაწყნარდენ, ომაიადებმა ახალი ქვეყნების დასაპყრობათ მიმართეს თვისი პოლიტიკა. კვიპროსი და როდოსი, მცირეაზია და თვით ბიძანტიაც—ყვე-ლა ეს ქვეყანა არაბთა მეომრების სათარეშო სარბიელათ გა-დაიქცა. ბოლოს აფრიკის ჩრდილოეთი ნაწილიც ჩაუვარდა ხელში არაბთა მეომრებს და იქიდან მათმა მახვილმა ევროპი-საკენაც იბრუნა პირი. სარდალმა ტარიკმა გიბრალტარის სრუტე (“გიბრ-ალ-ტარიკ” არაბულათ ნიშნავს ტარიკის გა-დასვლას) გადაიარა და ესპანიაში ვესტგოთების სამეფოს და-ეჯახა: 711 წელს ხერეს-დე-ლა-ფრონტერას ბრძოლამ თი-თქმის მთელი ესპანია ჩაუგდო არაბთა ბატონობას ხელში, და ასე დასავლეთი ევროპის ბედმა და ქრისტიანობის მომავალმა თავი დაღუპვის უფსკრულის კიდეზე იგრძნო. მართლაც 732 წელს არაბთა მხედარნი პირინეის მთებს გადაღმო მოექცენ და

პუატიესთან ფრანკების სამეფოს ძალებს დაეჯახენ. ევროპის მომავალი საბედისწერო მომენტს განიცდიდა; მუსულმანური გახდებოდა ევროპა, თუ ქრისტიანულ გზაზე განაგრძობდა წინსვლას,—ეს ამ ბრძოლის ბედზე იყო დამოკიდებული. ფრანკებმა სძლიერ არაბთა მეომრებს, და ამას შემდეგ მუსულმანთა მოძრაობა დასავლეთით სამუდამოთ შეჩერდა ქრისტიანობამ მუსულმანური საფრთხე თავიდან აიცილა.

როგორც ხელავთ, არაბთა სახელმწიფოს ფარგლები ფრიად გაფართოვებულა; მრავალი სხვადასხვა ტომი შედიოდა ამ ახალი სახელმწიფოს საზღვრებში; ეს გარემოება კი ადრე თუ გვიან ხალიფატის დაშლასა და დანაწილებას გამოიწვევდა. და მართლაც, მერვე საუკუნის ნეხევარში მაჰმადის ბიძის აბულ-აბას-შის შთამომავლებმა მძლიერი მოძრაობა გამოიწვიებ ომაიადების წინააღმდეგ და ბოლოს ხალიფატის ტახტზე თვითონ დამკვიდრდენ. სატახტო ქალაქი დამასკოდან ბალდათს გადაიტანეს და ამ საზით ევროპას უფრო დაშორდენ. ხოლო მთელი არაბეთი როდი გადასულა მათს ხელში. ესპანიაში ომაიადები დარჩენ და ამგვარათ მისცეს დასაბამი ცალკე სახელმწიფოს, რომელიც ცნობილი იყო კორდოვის ხალიფატის სახელით. ხოლო აფრიკაში მაჰმადის ქალიშვილის ფატიმეს შთამომავალნი დამკვიდრდენ.

ამგვარათ არაბთა ხალიფატი სამ ნაწილათ გაიყო: ბალდათის ხალიფატი, სადაც ბატონობდენ აბასიდები, კორდოვის ხალიფატი ომაიადებისა და ფატიმიდების ხალიფატი აფრიკაში.

განსაკუთრებულ ძალას და ინტერესს წარმოადგენდა პირველი მათგანი, ამიტომ ჩვენც სწორეთ მის შესწავლას შევუდგებით.

ხალიფის მდგრადარეობა.

პირველი აბასიდების დროს არაბთა ძლიერებამ ფრთხი გაშალა აღმოსავლეთში. წარსულში დაწყებული მეტად ნაყო-

ფიერი ომიანობა უკვე მინელდა. არაბები შეუდგენ მყუდრო ცხოვრებას; ისინი გულდასმითა და ჭკვიანურათ საჩერებლობდენ იმით, რაც ხანგრძლივ ლაშქრობაში მოიმკეს. აბასიდების დრო—სახელმწიფო წესწყობილების მშვიდობიანათ მოვგარებისა და მასთან ერთად ხალხის სულიერისა და მატერიალური ცხოვრების აყვავების ხანთ უნდა ჩაითვალოს.

აბასიდების ხელში პირველად ყოვლისა თვითონ ხალიფების უფლება გაძლიერდა უმაღლეს მწვერვალამდი; ეს უფლება მერმისში არა თუ არ გაზრდილა, პირიქით, ხალიფატის დაქუცმაცების მოახლოვებასთან ერთად სუსტდებოდა კიდეც.

აბასიდებამდიც, როცა არაბთა მიერ დაპყრობილი კუთხეების სატახტო ქალაქათ დამასკო ითვლებოდა, ხალიფების უფლება თანდათან ჰკარგავდა თავის პირვანდელს, მარტივსა და პატრიარქალურ ხასიათს. წინათ ხალიფებს, როცა ისინი რელიგიურსა და სამხედრო საქმეებში არაბთა მეთაურებათ ითვლებოდენ, ფიქრათაც არ მოუვიდოდათ—მეფურ ღირსება—პატივმოყარეობასა და სრა-სასახლეში ფუფუნებით ცხოვრებაზე ეზრუნათ. ეს დრო მაჲმადის პირველი მემკვიდრეების დრო იყო. მათი ცხოვრება დიდათ არ განირჩეოდა სხვა რომელსამე თავისუფალი არაბის ცხოვრებასაგან, და მხოლოდ ყველასგან მიჩნეული ღვთიური მაღლი, რომელიც, როგორც წინასწარმეტყველის მოადგილეთ, მოვლინებოდათ, აბატონებდა მათ დაუდგრომელსა და მებრძოლ ხალხზე. ისინი ბჭობდენ წინასწარმეტყველის ღირსეულ თანამოღვაწეებთან და მათთან ერთად იმუშავებდენ განზრახული ომების პლანებს, წინაუძლოდენ ჯარს, განაგებდენ სალაროს, მსაჯულობდენ, ასრულებდენ ღვთისმსახურებას; ამრიგათ, მათი უფლების, მათი მოვალეობის საგანი მრავალრიცხვოვანი და მრავალფეროვანი იყო. მაგრამ ყველა ეს დიდათ ამ ანსხვავებდა მათ უბრალო არაბთაგან. გადაცვლილი ხალიფის უფლებანი სახალხო

არჩევნებით ენიჭებოდა მის მემკვიდრეს, და ამიტომაც, ყოველი თავისუფალი არაბი სუნიძლა, რომ მასაც ჰქონდა იურიდიული უფლება — გამხთარიყო ხალიფის მემკვიდრეთ, თუ კი გარემოება ხელს შეუწყობდა. არაბი არ სთვლიდნ უმაღლეს უფლებას სამემკვიდროთ და არც არავის მიანიჭებდენ მას ვისმე ლვთიურინების სასწაულებრივი ზეგარდმოვლენით. — თვითონ არჩევნების წესრიგი იმაში მდგომარეობდა, რომ სასულიერო და საერო წარჩინებულნი და მხედართმთავარნი გარსერტყმეოდენ კანდიდატს, და იგიც არჩეულათ ითვლებოდა.

მერე ივი ფიცავდა ერთგულებას და მეჩითში შეკრებილი ხალხის წინაშე სიტყვას წარმოსოქვამდა. ამას შემდეგ კიდევ მეორდებოდა კანდიდატის არჩევანი, ხოლო უკვე მოელი ერის მონაწილეობით.

ასეთი იყო პირვანდელი წყობილება. მაგრამ დროს განმავლობაში, ქვეყნების დაპყრობათა გართულებასთან ერთად, არაბებმა შეისისხლხორცეს იდეები, ზნეჩვეულებანი ერთი მხრით შემოერთებულისა და მეორე მხრით დაპყრობილი ხალხებისა. მაშინ არაბთა ხალიფების ცხოვრებაშიც მოხთა ძირითადი ცვლილება. ბიძანტიის იმპერატორებმა და სპარსეთის მეფეებმა ბრძანებლობის მაგალითი უჩვენეს მათ, და ხალიფებმაც მიბაძეს ამ მაგალითს. წარმოდგენა თავისი უფლების საღვთო ხასიათზე და სასახლის გადაჭარბებული ცერემონიალი, ვით გარეგანი გამოხატულება. მათი მდგომარეობის არაჩვეულებრიობისა, — აი ის მხარეები, რომელნიც ახლა სხვათა მაგალითების ზეგავლენით არაბთა ხალიფების ნიშანდობლივი თვისებები შეიქმნა. ამასთან ერთად ხალხის წინანდებური განწყობილებაც შეიცვალა ხალიფებისადმი. ბალდათის ხალიფატის დაარსების დროს ხალიფები სრულებით არ წააგვდენ თავისი უფლებითა და ცხოვრებით მაპმადის პირველ მემკვიდრეებს. მაშინ არაბები თავის ხალიფს უყურებდენ ისე,

ვით მიუწდომელი დიდებით აღჭურვილ პირს, ვით ლეთაების ამ ქვეყნათ ვლენის განსახიერებას, ვისი უფლებაც ვერ გუაბს ვერავითარ წინააღმდეგობას, ვისი ძალაც უსაზღვროა. ხალიფს ხელთ ეპყრა როგორც სასულიერო, ისე საერო უფლებანიც: ქონება, სიცოცხლე, თვით სინიდისიც კი ქვეშევრდომისა მის განუყოფელ გამგებლობაში იყო. ხელქვეითთათვის იგი ერთსა და იმავე დროს იმპერატორიც იყო და პაპიც. ძველი არაბული ადათი ხალიფის საერო არჩევნებისა არ გამქრალა ხალხის შეგნებაში და არც სინამდვილეში, თუმცა ხალიფების მდგომარეობაში მომხთარი მომწიფებული ცვლილებანი აუცილებლათ არყევდენ მას. ხალიფების ძველი წესით არჩევასთან ერთად გახშირდა ისეთი შემთხვევებიც, როცა მეუფე ხალიფი თავისი ნებით ნიშნავდა თვისს მომავალ მემკვიდრეს. თვითონ ხალხში თანდათან გამოირკვა მოწინააღმდეგე შეხედულებანი ამ საგნის შესახებ: ზოგი ძველ ადათს არ დალატობდა, ზოგი მიუცილებელ საჭიროებათ სთვლიდა წინადებური არჩევნების სახალხო ხასიათის შემოფარგვლას. აღძრა აზრთა და შეხედულებათა ბრძოლა, რომელმაც მაშინდელს მეცნიერულ ლიტერატურაშიც იჩინა თავი. ცხადია, უნდა მომხთარიყო ძველი წესწყობილების ცვლილება. პირველი აბასიდები თავისი უძლიერესი უფლებით საუცხოოთ სარგებლობდენ: ისინი; პატივცემულნი ქვეშევრდომთა და მეზობელთა მიერ, შრომობდენ ერის საკეთილდღეოთ. მათ მიანებეს თავი ომებითა და დაპყრობით სახელის მოხვეჭას; მხოლოდ ცოლობდენ თავისი ქვეყნის შინაგან მოთხოვნილებათა და კამაყოფილებას. და კიდევაც მოახთინა მათმა მზრუნველობამ ნაყოფიერი გავლენა ცხოვრების მრავალ მხარეზე. ისინი ანვითარებდენ სახელმწიფო დაწესებულებებს; ჰკვიანურათ სარგებლობდენ სალაროს კარგი მდგომარეობით. საუკეთესოთ მოაწყვეს თავისი მხარე: ბალდათიდან მექამდი ჩამწ-

კრივდა ცისტერნები, რომელნიც დიდ დახმარებას უწევდენ პილიგრიმებსა და მოვაჭრეთა ქარავნებს. აქა-იქ გააშენეს ქარავან — ფანჩატურები; ხალიფატის სხვადასხვა კუთხეში — უმ-თავრესათ მესოპოტამიის ოლქში — გაჩაღდა სარესტავრაციო მუშაობა და არხების გაყვანა; სახელმწიფოს კუთხეებში მოაწყვეს საფოშტო ტრაკტები; ფოშტის ორგანიზაციაზე საზოგადოთ ჯეროვანი ყურადღება იყო შიქცეული: ბაღდადში ინახებოდა საფოშტო საღვურების სია, რომელშიც აღნიშნული იყო მათი სიშორის მანძილი და სხვა.

მხარე ცოცხლდებოდა, ხალხის კეთილდღეობა მატულობდა, მაგრამ ხალიფის შეუზღუდველი უფლება მაინც მძიმე ტვირთად აწვა ყველას. თუ როგორ საშიშროებას წარმოადგენდა დესპოტიური უფლება ხალხის ცხოვრების განვითარებისათვის, ეს შემდეგი ხალიფების მაგალითმა დაგვანახვა; იმ ხალიფების, რომელნიც არ ფიქრობდენ წინაპართათვის მიუბაძათ უფლების გონიერათ მოხმარებაში.

ადმინისტრაცია.

დასაწყისში არაბთა სახელმწიფო დაწესებულებანი მარტივი ხასიათისა იყვნენ. ხოლო აბასიდების დროს, უზარმაზარი სახელმწიფოს შინაური ცხოვრების განვითარებასთან ერთად, იგინი გამრავლდენ და ვართულდენ. ვიცით, რომ მესამე ხალიფი აბასიდების სახლეულობიდან თავისი უფლების უმთავრეს იარაღათ სთვლიდა ოთხს წარჩინებულ პირს: 1) მსაჯულს (ყადს), 2) პოლიციის მართველს, რომელიც პირველათ განსაკუთრებით ხალიფის პიროვნების დამცველათ ითვლებოდა, 3) ფინანსთა მინისტრს და 4) ფოშტის მართველს. ეს პირნი იყვნენ ხალიფის უმაღლესი ბრძანების უცილობლათ ამსრულებელნი. მათ შორის ფოშტის მართველს ეკავა ცოტათი განსხვა-

ვებული მდგომარეობა, რომელიც მის თანამდებობას სავსებით მარტივ ვერ შეეფერებოდა. მის მოვალეობათა შორის თვითონ მართველობა ფოშტისა რაღაც გარეშე საჭმეტ იყო მიჩნეული. უკეთ რომ ესთქვათ, --- იგი იყო სახელმწიფო კანტროლის გამგე, „თვალი ხელმწიფისა:“ ის თვალყურს ადევნებდა მთელის სახელმწიფოებრივი ცხოვრების მსვლელობას როგორც სატახტო ქალაქში, ისე ოლქებშიც; ლყურადღებოთ არ სტოვებდა თუნდა სრულებით წვრილმან მოვლენებს და ყოველს საჭირო საჭმეს დაუყონებლივ აცნობებდა ხელმწიფეს. მისი ცნობანი ეხებოდენ სხვადასხვა საგანს: სახელმწიფო ქონების მართვა-გამგეობას, მიწის მუშაობის მდგომარეობას, გლეხთა მდგომარეობას, მოხელეთა ვერაგობას, სახელმწიფოში ხმარებული ფულის რაოდენობასა და სხვ. და სხვ. მას მსახურობდა საპროვინციო ფოშტმეისტერთა კრებული. ამ უკანასკნელთა მოვალეობას არ შეადგენდა კერძო წერილების აქეთიქით გზავნა, — ისინი უთვალყურებდენ ყველაფერს, რაც პროვინციაში ხთებოდა, რომ პასუხის გაცემა შესძლებოდათ ფოშტის უფროსი მართველის პირველსავე შეკითხვაზე. ისინი თავის პროვინციაში არავის, არ ექვემდებარებოდენ; ისინი გამოცალკევებული იყვნენ აველა სხვა საპროვინციო მოხელეთაგან, ვით მიუდგომელი მეთვალყურენი პროვინციალური ცხოვრებისა. მათ არავინ ეხებოდა, და ყველას მათი ეშინოდა.

ხალიფატის სახელმწიფოებრივი ცხოვრების გართულებასთან ერთად ამ მთავარი მართველების დროს იმატა სასამართლოებისა და კანცელარიების რიცხვშა. ესენი იწოდებოდენ დივნებათ.

მათ შორის უძველესი იყო: 1) სახელმწიფო კანცელიარია, რომელიც ომაიადების დროსაც არსებობდა; აქ მზადდებოდა უმაღლესი ბრძანებანი, მოდიოდა ხალიფისადმი მიმართული საჩივრები და თხოვნები. ამნაირათ, ამ დაწესებულებას,

სახელმწიფო საქმეების მსვლელობაზე უეჭველათ უდიდესი გავლენა ექნებოდა. აქ უპირველესი მართველი ხალიფის მთავარი მინისტრი, დიდი ვეზირი იყო. 2) ფინანსთა მინისტრის სამართველო ბოლო ხანში ოთხ დამოუკიდებელ დივნათ გაიყო. ყოველი მათგანი თავის განსაკუთრებულ საქმეებს განაგებდა: ერთი ჯარების მოწყობას, მეორე — ხარჯის აკრეფას, მესამე — მოხელეთა დანიშვნის საქმეს, მეოთხე — ფინანსიური მდგომარეობის საერთო მეთვალყურეობას.

ძველ დაწესებულებათა განვითარებასთან ერთად აბასიდების დროს წარმოიშვა სრულიად ახალი სადივნოები, მაგალი, ფოშტის მართველის საღივნო და სხვ. ამნაირათ აბასიდების დროს შემუშავდა უფრო მოხერხებული და განვითარებული სახელმწიფო მართვა-გამგეობა; სანდო წარჩინებულთა პატარა წრის მაგიერ, რომელთაც ხელთ ეპყრათ ამ უზარმაზარი სახელმწიფოს ყოველი საქმე, წარმოსდგა წესიერათ დაყენებულ დაწესებულებათა მთელი რიგი. და ეს ნაყოფიერი მუშაობა არ შეჩერებულა აბასიდების ხალიფატის დროს. თითქმის ყოველი ხალიფის მართველობაში მომხთარა ცვლილება წინათ წარმომდგარ სადივნოებში, მათი რიცხვის მომატებითა და თვისების გაუმჯობესობის მხრით.

ვ ე ზ ი რ ი.

აბასიდების მიერ სახელმწიფო მართვა-გამგეობაში შეტანილი უმთავრესი ცვლილება მდგომარეობდა ვეზირის თანამდებობის დაწესებაში. ეს თანამდებობა მაღლ სახელმწიფოს უპირველეს ძალათ შეიქმნა. თუმცა-ლა, მისი მნიშვნელობა ერთბაშათ კი არა, თანდათანობით გაიზარდა. აბასიდებმა ეს თანამდებობა სპარსელებისაგან გადმოიღეს. პირველათ ვეზირს არავითარი დამოუკიდებელი უფლება არ ჰქონია, იგი ინიშნებოდა ისე, ვით შვამავალი ხელმწიფესა და ხალხს შეს, რო-

გორც მარჯვენა ხელი ხელმწიფისა და ჩრდილი ხალიფისა, მის ხელში გაივლიდა ყოველი უმაღლესი ბრძანება, და იგიც აღასტურებდა ამ განჩინებათა უტყუვრობას ბეჭდის დაკვრითა და ხელის მოწერით. იგი იყო პირველი მსახური ხალიფისა და მეორე კაცი სახელმწიფოში. ამაში მდგომარეობდა ე.წ.

განსაზღვრული ვეზირატი. მაგრამ, ცხადია, ვეზირებს სწორეთ ეს უფლება უკაფავდა გზას მთელს მხარეში ნამდვილი პირველობის მისახწევათ. ჰკვიანი ვეზირისათვის ძნელი არ იყო დაემორჩილებია თვითონ ხალიფის ნება-სურვილიც-ასეც ხთებოდა, როცა ტახტს ვინმე ჩვეულებრივი პიროვნება ფლობდა. ხალიფატის ისტორიის ფურცლებზე აღნიშნულია მთელი ხანა ბამარკინების ღინასტიის ვეზირთა განუსაზღვრელი ბატონობისა. მხოლოდ ჰარუნ-აღ-რაშიდმა დასცა მათი ბატონობა.

მაგრამ უკვე თვითონ ვეზირის თანამდებობის მდგომარეობა ანიჭებდა ვეზირებს უპირატესობას ხალიფის წინაშე; ყოველივე ძალა-უფლების წყაროსთან ვეზირივით ახლო არავინ იდგა, თვითონ ხალიფი ვეზირის დახმარებით თუ საქმობდა თავის სამფლობელოში. ვეზირატის დაარსებამ ისინი ხომ სულ დაჩრდილა ხალხის თვალში და, ამნაირათ, თვითვე მიუსაჯეს თავის თავს პირვენდელი თავისი მნიშვნელობის თანდათანობითი დაკარგვა; იმ მნიშვნელობისა, რომლის წინანდელი სიდიდის შენარჩუნება ძნელი იქნებოდა მაშინაც კი, რომ სურვილი ჰქონდათ—პირადათ ეზრუნათ ქვეყნის სასარგებლოთ. ამას უერთდებოდა აგრეთვე თვითონ ღინასტიის გადაშენებაც; პირველი აბასიდების მემკვიდრენი არარაობას თუ წარმოადგენდენ; ისინი თავისი სრასასახლის ვიწრო ინტერესებით და ცოცხლობდენ, ყველა ეს ვეზირების მნიშვნელობას უფროდაუფრო აძლიერებდა. თანდათან წარმოიშვა განუსაზღვრელი ვეზირატი. უკვე ვეზირებმა, ფრანკთა

მიორდომების მსგავსათ, ხელში ჩაიგდეს სახელმწიფოს ყოველი საქმე, მხარეს მართავდენ თვისი სურვილის შესაფერათ და არა ისე, ვით ამსრულებელნი უმაღლეს ბძნებათა, თვითონ ნიშნავდენ მოხელეებს, თვითონ არკვევდენ სახელმწიფო საკითხებს. ხალიცები კი ტახტზე რჩებოდენ ვით სასახლის ცერემონიალის უბრალო დამამშვენებელნი.

ძნელი იყო ვეზირის პასუხსაგები თანამდებობის სინდისიერათ ასრულება. ამისთვის საჭირო იყო მრავალმხრივი ცოდნა და უნარი. ვეზირი მიჩნეული იყო კარგ მცოდნეთ სახელმწიფო საქმისა და სასახლის ეტიკეტისა რომელიც ფრიად ძნელ ხელოუნებათ ითვლებოდა. ვეზირისთვის სავალდებულო იყო ცოდნა მათემატიკისა, მედიცინისა, ასტრონომიისა, და ისტორიისა; ცოდნა ჭადრაკისა და ბურთის თამაშისა, ციტრაზე დაკვრისა; — ეს კიდევ ცოტაა, — მთლიანი რომ ყოფილიყო საერო ტალანტი, ვეზირს მოეთხოვებიდა ცოტა-ცოდენი პოეტობა, ლექსებისა და საყურადღებო მოთხრობების იმპროვიზაციის ნიჭიერება.

საპროვინციო მართველობა.

ასეთი იყვნენ ის დაწესებულებანი და უნაღლესი წარჩინებულნი, რომელნიც გარს ეხვეოდენ ზალითს და მასთან იყოფდენ მთელს ხალიფატზე მზრუნველობას. ცალკეულკე ადგილების უახლოესი. მართვა-გამგეობისათვის ხალიფატი დანაწილებული იყო პროვინციებათ, ყოველი პროვინციის სათავეში იდგა გუბერნატორი, რომელიც ინიშნებოდა ხალიფის მიერ. იგი მის პროვინციაში უმაღლესი მთავრობის წარმომადგენლათ ითვლებოდა და ამიტომ როგორც თვითონ ხალიფიც, განაგებდა სასულიეროსაც და საერო საქმეებსაც: არაბებს არ ჰქონდათ გარჩევა მხედარომთავარსა და ლვდელმთავარს შორის. გუბერნატო-

რები ქადაქებდენ მეჩეთებში, თავმჯდომარეობდენ სამლო-
ცველო კრებებზე. საერო საქმეებში მათ მინიჭებული ჰქონ-
დათ ღიღი უფლება, რომელიც ისტორიის წინსვლასთან ერ-
თად უფროდაუფრო მატულობდა. პირადათ ისინი ნიშნავდენ
მსაჯულებს (ყადებს), საფინანსო და საპოლიციო მოხელეებს,
განაგებდენ იქ ჩაყენებულ ჯარებს და ასე წარმოიდგინეთ — თუ
მათი პროვინცია მდებარეობდა ხალიფატის საზღვარზე, დამო-
უკიდებლათ ებრძოდენ მეზობელ ურწმუნოებს. მართალია,
როგორც დავინახეთ, ყოველს მათ მოქმედებას გაფაციცებით
უფალყურებდენ სატახტო ქალაქიდან მოგზავნილი მოხელეე-
ბი, ფოშტმეისტრები, მაგრამ მაინც ღიღი უფლებიან გუბერნა-
ტორთა ხელში ხალიფატის მთლიანობისთვის. ფრიად სახიფა-
თო ძალა იზრდებოდა. აბასიდების უფლებათა შესუსტებასთან
ერთად გუბერნატორები ნამდვილი პატარა ხალიფები შეიქმნენ;
მათ თავისი წინანდელი დამოკიდებულობის ხსენებაც კი არ
უნდოდათ. და ბალდადის მთავრობას, როცა მან თავისი
ქვეყნის დანაწილების უამის მოახლოვება იგრძნო, შიში შეე-
პარა; იგი იძულებული გახთა — გუბერნატორებთან, ვით ცალ-
ცალკე ხელმწიფებთან, განსაკუთრებული ხელშეკრულობა
მოეხთინა. უფროდაუფრო გახშირდა ისეთი შემთხვევები, რო-
ცა წარჩინებული, ხალხის სურვილის წანააღმდეგ, ბრძოლით
იპყრობდენ მთელ პროვინციებს. ხალიფები, თავისი მხრით, უთ-
მობდენ მათ და, როგორც დამპყრობელებთან, მოლაპარაკების
საშვალებით თანხმობას ამყარებდენ. ამნაირათ წარმოსდგა
ერთგვარი ჯგუფი გუბერნატორთა, რომელთაც დაერქვათ
უზურპატორები. მაგრამ თუ ისინი თავისი ძლიერი უფლებით
ხალიფატის შესუსტებას იმუქრებოდენ, პროვინციების თვით
მართველობა მაინც ვერ მოსპეს. ყოველი ქალაქი და სოფე-
ლი თავისი საკუთარი მართვა-გამგეობით სარგებლობდა. გუ-
ბერნატორთა მიერ დანიშნული მოხელეები მხოლოდ იმას

თუ უთვალყურებდენ, რომ მცხოვრებთ წესიერათ შემოეტანათ სახელმწიფო ბეგარა. ხოლო გამონაკლისს მარტო ის ღა შეადგენდა, რომ მთავრობა თვითონ ვანაგებდა ყანების დამუშავების გაუმჯობესების საქმეებს: იგი უმთავრეს ყურადღებას აქცევდა ხელოვნური სარწყავი არხების გაყვანის საშვალებით განვითარებას, და სწორეთ ამაში იხატებოდა მათი პირდაპირი მიზანი—აეწიათ ხალხის მატერიალური მდგომარეობა და შეემსუბუქებიათ მისთვის სახელმწიფო ბეგარის მძიმე ტვირთი. გარეშე ამისა, მთავრობა არ ერეოდა ქალაქთა და სოფელთა შინაურ ცხოვრებაში იმ შემთხვევების გამონაკლისით, როცა საჭირო იყო მოეგვარებიათ რამე გაუგებრობა და უწესრიგობა. აი რატომ ვერ ვპოვებთ ჩვენ პროვინციებში აუარება მოხელეებს, როგორც ეს იყო, მაგ., ბიძანტიაში. ამ შხრით ბიძანტიის მაგალითშა ვერავითარი გავლენა ვერ იქმნია არაპათა ცხოვრებაზე,

საფინანსო მოხელეებს გარდა, რომელნიც ინიშნებოდენ შეწერილი ხარჯის ასაკრეფათ, პროვინციებში ჩვენ გვხვდებიან მსაჯულნი (ყადები) და საპოლიციო ზედამხედველნი. ყადები მარტო სადაც საქმეებსა და სამსაჯულო პროცენტებს კი არ არჩევდენ; იგინივე იოვლებოდენ უმაღლესი მთავრობის წარმომადგენლებათ ოჯახურისა და საზოგადო ცხოვრების იმ შემთხვევაში, რომელნიც საჭიროებდენ მთავრობის საქმეში ჩარევას და ყურადღებას; ამ შხრით მათი მოღვაწეობა ძალიან წააგავდა პოლიციის ზედამხედველთა მოღვაწეობას; მაგალითად, ყადები ნიშნავდენ სულითავათ მყოფთა და მცირეწლოვანთა ქონების აპეკუნებს, ყურადღებით ეპყრობოდენ ანდერძის შესრულების საკითხებს, გზების გაყვანისა და შენობის აგების საქმეებსა და სხვა ასეთებს; იგინივე განაგებდენ ხარჯის აკრეფას, თუ კი ამისთვის განსაკუთრებული მოხელე არ იყო დანიშნული; საზოგადო წესრიგს

პოლიციის მოხელეებიც აღევნებდენ თვალყურს. ხოლო ყადის ნებადაურთველათ მხოლოდ მაშინ მოქმედობდნენ, როცა წესიერების დარღვევა თვალსაჩინო იყო, დამნაშავე თვალწინ ყავდათ და ისლა რჩებოდა, რომ უკანონო საქციელი შეეჩერებიათ და დამნაშავე დაესაჯათ; მაგრამ თუ კი საჭირო იქნებოდა საქმის გარჩევა და განსჯა—ვინ იყო მტყუანი, ვინ შეურაცხყოფილი, განმარტება დანაშაულის ხასიათისა,—პოლიციის ზედამხედველი მაშინვე ყადს დაუთმობდა ადგილს. თუმცა, ამას გარდაც, პოლიციის ზედამხედველის უფლება ძალიან ვიწროთ იყო შემოფარგული; მაგალითად მას აკრძალული ჰქონდა—მყუდრო. ოჯახთა კერძო საქმეებში ჩარეცულიყო. ქუჩა, მოედანი, საზოგადო ადგილები—აი სად იყო მისი მსახურების ასპარეზი.

ბ ე ბ ა რ ა.

ხარჯის აკრეფა, როგორც ნათქვამია, მაინც. წარმოადგენდა ხალხის მთავრობასთან დამოკიდებულების განმამტკიცებელს მთავარ ძარღვს. ხარჯები სხვადასხვანაირი იყო. უმთავრესათ მათში ითვლებოდა ზექატა—შემოსავლის შესაფერი გადასახადი. ხარაჯი—ბევრა ანუ ყალანი, ჯიზიე—საკომლო გადასახადი. ამ გადასახადების მცხოვრებთა შორის განაწილებაში, სხვათა შორის, ნათლათ მოსჩანს, როგორი გავლენა ჰქონდა რელიგიურ შეგნებას არაბთა მცხოვრებთა სხვადასხვა მხარეებზე. როგორც სხვა ბევრ შემთხვევებში, ისე ხარჯის გაწერაშიც, მთავრობა დიდათ არჩევდა მუსულმანებს ურწმუნოთაგან. მუსულმანები იხთიდენ მხოლოდ ზექატს, ხოლო ურწმუნოებს კისრათ აწვათ ხარაჯი და ამას გარდა, ჯიზიეც; ზექატი შეადგენდა შემოსავლის მეათედს, ასე რომ გადასახადის რაოდენობა შემოსავლის რაოდენობასთან ერთად იცვლებოდა. ზექატი ეწერებოდა სხვადასხვა ქონებას: სახნავ მიწებს,

სახლებს, ხილთა ნაყოფს, ჯარებს, სავაჭრო საქონელსა და ფულის თანხას. სხვათა შორის, მაშინ ძელი საქმე არ იყო ხარჯის გადახდისაგან თავის გათავისუფლება, თუ კი ვინმე ქონების ერთ ნაწილს დამალავდა. ძელათ დასამალავი ქონების რაოდენობას, მაგალ. სახნავი მიწებისას, სახლებისა და ჯოგებისას — ხარჯის ამკრეფი თვალდათვალ გამოზომავდა; ხოლო რაც შეეხება სავაჭრო საქონელსა და ფულის თანხას, მთავრობა პირდაპირ უღონოთ სოვლიდა თავის თავს ეთვალყურებია მათი რაოდენობის ცვალებადობისათვის და იძულებული იყო თვითონ მფლობლების ჩვენებას დამყარებოდა. ზექატი, როგორც წმინდა მუსულმანური ხარჯი მხოლოდ მუსულმანთაგან იკრიბებოდა.

ხარაჯსა და ჯიზიეს კი ურწმუნოებს ახორციებდენ. ხარაჯი იყო წმინდა საბეგრო გადასახადი. ამ ხარჯის საზომი უკვე აღარ იყო დამოკიდებული შემოსავლის მეტ-ნაკლებობის დროულ რყევაზე. მთავრობა თვითონ აწესებდა განსაზღვრულ გამოსალებს, მასტის. მაგრამ ეს გამოსალები სხვადასხვა დროს სხვადასხვანაირათ იზომებოდა; პირველათ იგი დამოკიდებული იყო მიწის ზომაზე; მერე შემოიღეს მცხოვრებთათვის უფრო ხელსაყრელი წესი: გამოსალები ეთანაბრებოდა მიწის საშვალო ნაყოფიერობასა და მისი დამუშავებისა და საზოგადოთ მიწის მუშაობის საშვალებათა გაუმჯობესებისთვის აუკილებელი ხარჯების საშვალო რაოდენობას; გაუმჯობესების მხრით პირველ პლანზე იყო მინდვრების ხელოვნური რწყვა. მიწების მიტოვება დაუმუშავებლათ აკრძალული იყო. ვისაც არ შეეძლო დამუშავება, მას ევალებოდა მიწის სალალოთ გაცემა ან მიწის მფლობელობაზე სრულიად ხელის აღება იმ მოსაზრებით, რომ მიწები უნაყოფოთ არ დაეგდოთ.

საზოგადო გადასახადი—ჯიზიე, ზოგიერთი ცნობით, გადამხდელთა შეძლების მიხედვით სამნაირი ზომით იკრიფებო-

და. მდიდრები ყოველ წელიწადს იხთიდენ ნახევარჯერ მეტს, ვიდრე საშვალო შეძლების მქონენი, ხოლო ეს უკანასკნელნი—ნახევარჯერ მეტს, ვიდრე ღარიბნი. გაგრამ ერთხელვე დაწესებული რაოდენობა გადასახადისა საზოგადოთ აღარ იცვლებოდა. ამ ხარჯს, ჯერ კიდევ ყურანის IX თავში დაკანონებულს, ხარჯის ხასიათი ჰქონდა; იგი იკრიბებოდა დამარცხებული ხალხებისგან, რომელნიც თავის სარწმუნოებას არ ღალატობდენ და არც უნდოდათ -დამპყრობელთ შესისხლხორცებოდენ; ეს გადასახადი მიღიოდა მხოლოდ მუსულმანთა სასარგებლოთ.

ყოველ გადასახადს თავისი ერთხელვე სამუდამოთ დაწესებული განსაკუთრებული დანიშნულება ჰქონდა. ამრიგათ, ზეკატი შვიდი მიზნისთვის იყო განსაზღვრული: 1) ღარიბთა შესაწევნათ, 2) ხარჯის ამკრეფთა დასაჯილდოვებლათ, 3) იმ პირთა სასარგებლოთ, რომელთაც დახმარება აღმოუჩინეს. ისლამს ან ფულის შეწირვით და ან სხვა რაიმე საშვალებით, 4) მონათა გამოსასყიდათ თავისუფლების მინიჭებისათვის, 5) კერძო პირთა ვალების გადასახდელათ, თუ ეს ვალები სახელმწიფოსა და ისლამის ინტერესებით იყო გამოწვეული, 6) იმ მუსულმანთა შესანახათ, რომელნიც თავისი სურვილით იბრძოდეს საღვთო ომებში და 7) უმწეო უცხოელთა დასახმარებლათ.

ზეკატის შემოსავალი იქვე იხარჯებოდა, სადაც იგი იკრიბებოდა; ყოველ ქალაქსა და ოლქში იგი მაშინვე ნაწილდებოდა აღვილობრივ მცხოვრებთა შორის, რომელნიც რომელსამე ზევით ჩამოთვლილ ჯგუფს ეკუთვნოდენ, ხოლო თუ ასეთი არავინ აღმოჩენდება, მაშინ შეიძლებოდა ზეკატის შემოსავალის სხვა რომელიმე აღვილზე გადაგზავნაც.

სრულიად სხვა დანიშნულება ჰქონდა იმ ხარჯებს, რომელნიც ურწმუნოთაგან იკრიბებოდენ. ყურანის ერთი აღვი-

ლის ონახმათ, მთელი შემოსავალი უყოფოდა ხუთს თანასწორ ნაწილათ. ერთ ნაწილს განაგებდა წინასწარმეტყველი და შემღებელი მისი მემკვიდრენი — ხალიფები (ისინი უკვე თვითონ ანაწილებდენ მას თავისი პირადი ხარჯების დასაფარავად, ნათესავების სარჩენათ, ობოლთა და ღარიბ მოვზაურთა სამოწყალო). დანარჩენი ოთხი ნაწილი ხმარდებოდა სახელმწიფო მართვა-გამგეობას და, პირველ ყოვლისა, ჯარის შენახვასა და ჯარის კაცთა ჯამაგირს.

ამრიგათ, მუსულმანური გადასახადი, ზეკატი, ხმარდებოდა რელიგიური ხასიათის საქმეებს და სხვა და სხვა ჯგუფის პირთ, რომელნიც რამე მიზეზით სახელმწიფოს განსაკუთრებულ მფარველობას ქვეშ მოხვდენ.

ასეთი იყო სახელმწიფოს შემოსავალის უმთავრესი წყაროები. მართალია, როცა კი შესაძლებელი აღმოჩნდებოდა, მთავრობა ყოველთვის უმსუბუქებდა ხალხს ცვირთს ბეგარის რაოდენობის შემცირებით, მაგრამ ხალიფატის ისტორიის წინსვლასთან ერთად, სახელმწიფოს ფინანსიური გაჭივრება უფრო და უფრო მწვავდებოდა. უკავ ახლოვდებოდა სახელმწიფოს დაჭუცმაცების უამი; ერთ ღატაკდებოდა, სალარო მაღალე ცარიელდებოდა. 775—786 წ.წ. თუ წლიური შემოსავალი სახელმწიფოსი უდრიდა 411 მილიონ დრამას, 819—820 წ.წ. იგი 371 მილიონამდი დაიწია, ხოლო 845—874 წ.წ.—293 მილიონამდი და ასე ამნაირათ თანდათან კლებულობდა. აი იმის მაგალითი, როგორ მაღე შრებოდა სახელმწიფოს სიმღერის წყაროები. ფინანსიური დაცემის მიზეზები ხალიფატის სრულ დანაწილებაში მდგომარეობდა. ამ დანაწილებამ გამოიწვია მთელი რიგი სამწუხარო და ანორმალური მოვლენებისა: გარეშე და შინაური ომები, მოქალაქეთა კინკლაობა, ხალიფების სამართველო ავტორიტეტის სრული დაცემა და მათი სახლების გიუურათ მდიდრული მოწყობილობა, გუბერნატორ-

თა დაუსჯელი მტაცებლობა, რომელთაც სრულიად დავიწყებოდათ ყოველივე მორჩილება ბალდადის მთავრობისადმი და რომელნიც გამხთარიყვნენ მათ სამფლობელოებში პატარა თავადებათ.

ჯ ა რ ი.

ჩვენ უკვე ვიცით, რომ არაბთა სახელმწიფოში ჯარის შენახვას დიდი თანხა უნდებოდა. აქ გაუგებარი არაფერია. არაბებმა თავისი სახელმწიფოს ძლიერება მახვილის შემწეობით შექმნეს, და რა გასაკვირველია, თუ არაბი პოლიტიკოსების აზრით — ხალხის ძლიერების მთავარ ძარღვს ჯარი წარმოადგენდა. ხოლო ჯარს ერთბაშად კი არ მიუღია ის სახე, რომელიც აბასიდების დროს ჰქონდა. დასაწყისში სამხედრო წყობილება საქმაოთ პირველყოფილი ხასიათის იყო: ჯარი დანაწილებული იყო ტომური სხვადასხვაობის შესაფერათ, მხედრობათა მოძრაობა არ ემორჩილებოდა შემუშავებულ პლანს; კერძო პირთა შეტაკება ხშირათ ბრძოლას გამოიწვევდა, ხოლო მერე ეს ბრძოლა საერთო ულეტით თავდებოდა. ომაიადების დროს არაბულმა ჯარმა სახე იცვალა უმთავრესათ ბიძანტიურის სამხედრო წესრიგის ზედგავლენით; არაბები გაეცვნენ ნამდვილს სამხედრო წესებს; ჯარის ხუთ ნაწილათ გაყოფაც შემოიღეს; იყო ცენტრი, ორი ფრთა, ავანგარდი, არიერგარდი და წესიერათ მოწყობილი ბანაკი. უკანასკნელი ომაიადის დროს ჯარის შერენგათ დაწყობა შეიცვალა; ამის მაგიერ დაწესდა მთელი რიგი სოლდათების პატარა რაზმებისა, რომელნიც მჭიდრო ჯგუფებად იყვნენ ჩაყენებული; ასეთ ჯგუფებათ იყვნენ ისინი დაყოფილი ბრძოლის დროსაც. არაბი-ჯარისკაცის იარაღიც ბიძანტიურს წაგავდა; ხმარობდენ მახვილსა, ფარსა, შუბსა, შვილდისარსა, შურდულსა, ჩაჩანსა და ჯავ-

შანს. ხოლო არც ბიძანტიელთა სასროლი იარაღები იყო
მათთვის უცხო.

დიდებული და ეფეკტუანი იყო არაბული მხედრობის შე-
სახელაობა, როცა იგი მომტრე სახელმწიფოში შედიოდა.
ცხენოსანთა ცქვიტი რაზმები, ბრჭყვიალა ჯავშნებითა და
ფოლადის ჩამონაბით მოკაზმულნი, სირაქლემას ფრთხებით მორ-
თული გრძელი შუბებით, ავანგარდში მიღიოდენ; მათ მისდევ-
დენ მოშავო ფერის, ჩასკვნილი ნახევრათ შიშველი მოისრე-
ნი; ასეთივე რაზმები მიუძლოდენ არმიას აქეთ-იქიდან, რომ,
მისი ორივე ფრთა მტრის მოულოდნელი დაცემისგან დაეფა-
რათ; შვაში მომწყვდებული იყო მრავალრიცხვოვანი. ქვევითი
ლაშქარი, შეირალებული ფარითა და მახვილით და აქლემების
მთელი წყება, რომელნიც დატვირთული იყვნენ სურსათით,
კარვებითა და წინათვე მინახული იარალით; უკან მიღიოდენ
ეტლები ავათმყოფი ჯარისკაცებითა და საომარი იარაღებით.
საომარი იარაღები ნაწილ-ნაწილათ მიჰქონდათ აქლემებით,
ცხენებითა და ჯორებით. თუ ჯარში იმყოფებოდა ხალიფი,
მას გარსერტყა ბრწყინვალე გვარდია. აქ იყვნენ სპარსელები
შავი მაღალი ბოხოხებით და თურქები საუცხოო რიდეებით.
გვარდის დროშაზე ლამაზათ ოქროს ასოებით იყო ნაკერი
ხალიფის სახელი. თვითონ ხალიფი მიღიოდა ოქროთი და
თვალმარგალიტით მორთული თოხარიერით, გარშემორტყმული
სასახლის კრებულითა და უმაღლესი წარჩინებულებითა. მათ
შორისახლოდან მოსდევდენ ფარდებით მჭიდროთ შემორტყმუ-
ლი ქეჯაოები (პალანკინები), რომელთაც იცავდენ საჭურისე-
ბი; იქ იჯდენ ჰარამხანის რჩეული ქალები.

დღე—პატარა მანძილის გავლას შემდეგ—ჯარი წინათვე
დანიშნულ ადგილზე დაბანაკდებოდა, და აი მოტიტვლებულ
მინდორზე, თითქმ სამისნო კვერთხის მოქნევით, აშენდებო-
და კარვების მთელი ქალაქი, ბაზრებითა და მოედნებით მო-

ფენილი. აქეთ-იქით გაჩაღდებოდა კოცონი, და ვახშამს შემდეგ, დაიყოფოდენ თუ არა ჯარისკაცნი ჯგუფებათ, მოყვებოდენ ძველის არაბული ჭიანურისა და სალამურის ხმებთან შეწყობილ ლექსებს.

დაპყრობილს ქვეყნებში ჯერ კიდევ ომაიადების დროიდანვე აარსებდენ მუდმივს მეციხოვნე ჯარებს სიმაგრეებში. ხალიფატის ყოველ პროვინციაში აშენდა მაღალი ციხეები და ამ ციხეებთან — ჯარის კაცთა სოფლები. ზოგი ამ სოფელთაგანი დროს განმავლობაში გაღიდდა, იმატა და ქალაქათ გახთა. ასე გაშენდენ, მაგალ. ბასორა და კუთა. სახელმწიფოს საზღვრებზე ასეთი ციხეების მთელი წყება გაშენდა. ომარის კანონით ციხეში მცხოვრებთ სასტიკათ ჰქონდათ აკრძალული მიწისმუშაობა. ისინი ყოველ წელიწადს უნდა გალაშქრებულიყვნენ მეზობელ ხალხთა ჯარების მოძრაობის სათვალყუროთ. ეს იყო რიგიანათ დაწესებული განუწყვეტელი ყოველთვის მოსახთელი სადარაჯო სამსახური. ამრიგათ პირველ ყოვლისა სირიის საზღვარი მოაწყვეს; შემდეგში იგივე წესი ყველგან შეიტანეს.

არაბისათვის სამხედრო სამსახური ითვლებოდა არა მარტო საღვთო მოვალეობათა და საპატიო თანამდებობათ, არა მედ იგი იყო მისთვის მოსაგებიანი საქმეც. არაბი-ჯარისკაცნი, წინააღმდეგ ბიძანტიელ დაქირავებულ ჯარისკაცთა, რომელნიც უმნიშვნელო ჯამაგირით უნდა დაკმაყოფილებულიყვნენ, სალამორდან დიდ ჯილდოს ილებდენ და, ამას გარდა, ალაფშიც ედვათ წილი. ალბათ ამიტომ არაბებმა არც კი იკოდნენ — რა იყო ჯარში ჩაძალადევათ გაწვევა.

ლაშქარში მონაწილეობა თითოეულის ნება-სურვეილზე იყო დამოკიდებული: მდიდრებს იზიდავდა ომის საღვთო დანიშნულება და ლარიბებს, ამას გარდა, გამდიდრების იმეუტიც. აქიდან წარმოსდგა მეომართა ორი რიგი: მდიდარი, ლაშქარს.

ნებით გასული მხედრობა და მხედრობა ჯამაგირიანი სოლდა-
თებისა. პირველათ ჯარს სახელმწიფო სალარო ინახავდა თა-
ვისი თანხით, ხოლო ხალიფატის თანდათანობით დანაშილე-
ბას შემდეგ, როცა სალარო გამოკარიელდა, და ხალიფატის
საზღვრებზე წინანდელი პროვინციებისაგან წარმოსდგენ თით-
ქმის სავსებით დამოუკიდებელი მხედართმთავართა სამფლობე-
ლონი, ჯარს ხმარდებოდა მთელი შემოსავალი პროვინციებისა.
სამხედრო წყობილების ყველა ეს განსაკუთრებულებანი განვი-
თარდენ ჯერ კიდევ ბალდადის ხალიფატის დაარსებამდი, არაბ-
თა მიერ უდიდესი სახელმწიფოების დაპყრობის ეპოქაში. აბა-
სიდების ღროს არაბული ჯარის ცროვრებაში მომწიფდა ზოგი-
ერთი მნიშვნელოვანი ცვლილება. უწინარეს ყოვლისა იმატა
მისმა რაოდენობამ და შემდეგ სახე იცვალა მან შედგენილო-
ბის მხრითაც.

დასაწყისში ჯარის რაზმები ივსებოდა მხოლოდ იმ პი-
რებით, რომელთაც წმინდა არაბული სისხლი ედგათ ძარღვებ-
ში. მათთვის ომი ნაციონალური საქმე იყო; იგი რელიგიური
ხასიათის მოღვაწეობათ ითვლებოდა. ხოლო ბოლოს ჯარი
უცხო ტომის ხალხით აივსო, ვინაიდან ხალიფებმა დამორჩი-
ლებულ ხალხებში რეკრუტი შემოიღეს. ომების ღროს რეკ-
რუტი აბასიდებისაგან საუკეთესო საშვალებათ იყო მიჩნეული:
ისინი მათ მიერ დამორჩილებულ დინასტიასთან ბრძოლაში
ნაციონალურ ლაშქარს კი არა--უცხო ტომთავან შემდგარ
ჯარს ემყარებოდენ. თან ჯარისკაცთა რიცხვიც მატულობდა.
მაგრამ ამავე ღროს ხალიფები ამ მოზარდ ჯარს უყურებდენ,
როგორც სახიფათოს, მრისხანე ძალას, რომელსაც დიდი ზია-
ნის მოტანა შეეძლო იმ მოსალოდნელ შემთხვევებში, თუ
მოხთებოდა ჯარისკაცთა საერთო ამბოხება, — ამიტომ მათ
ზომები მიიღეს, რათა ეს ხაფათი თავიდან აეცილებიათ. მათ
წინანდელთან შედარებით თითქმის ნახევარჯერ შეამცირეს

ჯარისკაცთა ჯილდო. მერე შეეცადენ ჯარის ერთობის დარღვევას და მის კორპუსებათ დაყოფას ნაციონალური სხვადასხვაობის მიხედვით. ამნაირაო წარმოსდგა ხუთი სხვადასხვა ტომის კორპუსი: ჩრდილო-არაბული, სამხრეთ-არაბული, ფერგანული, რომელიც შესდგებოდა ფერგანის ოლქიდან ბალდადის ბაზრებზე მთელი ჯგუფობით მორეკილი მონათურქებისაგან, აფრიკული და ხორასანული

მაგრამ დროს განმავლობაში ამ დაქირავებულ უცხო-ტომელთაგანაც გამოიწროვნენ ნამდვილი პრეტორიანელები, ტახტის ბედის თავნებათ გამგენი.

ხმელეთით მავალ ჯარს გარდა, არაბებს ფლოტიც ჰყავდათ. უკვე პირველი ომაიადების დროსვე არაბებს შეეძლოთ საკმაოთ დიდი საზღვაო ექსპედიციები მოეწყოთ. თუმცა პირველ ხანებში თვითონ თითქმის არც იღებდენ მონაწილეობას საზღვაო მხედრობაში, მეზღვაურები დაქირავებული ჰყავდათ სირიისა და ეგვიპტის ზღვის პირას მდებარე ქალაქებიდან. ხოლო თვითონ ნაციონალური არაბული ფლოტი თანდათანობით მოეწყო. არაბული გემები უზარმაზარი და ტლანქათ მოარული იყო. ისინი კეთდებოდენ ბიძანტიური ტრირემის მსგავსათ: ორსართულიანი, თითოში მოთავსებული იყო 25—25 სკამი, ხოლო თითოეულ სკამზე—ორ-ორი მეხოვე. სხვათა შორის, იყო აგრეთვე უფრო დიდი გემებიც.

ვაჭრობა—მრავალობა.

მაგრამ, რასაკვირველია, ხალიფატის ძლიერება მარტო ჯარს კი არ ემყარებოდა, არამედ ხალხის მშვიდობიანსა და ენერგიულ შრომასაც. ამ მხრით პირველ პლანზე დაისმის ფრიად განვითარებული არაბული ვაჭრობა-მრეწველობა. აბასიდების ეპოქა მათი უმაღლესი აყვავების დრო იყო. ბალდა-

დი თავისი გეოგრაფიული მდგომარეობის მეოხებით აქეთ იქით
სხივებივით მიმოფენილი უმნიშვნელოვანესი სავაჭრო გზების
ცენტრალურ ნასკვათ ითვლებოდა. ბალდადიდან სამხრეთისკენ
გამგზავრებული გემები მესოპოტამიის მდინარის სისტემის სა-
შვალებით პირდაპირ ზღვაში შედიოდენ; აქ ბოლოს გაშენდა
ბასორის საუკეთესო კომერციული პორტი და არაბულის სა-
ვაჭრო ფლოტის უმთავრესი სადგომი. აქიდან არაბული ვა-
ჭრობის მოძრაობა მოედვა სპარსეთის უბრს ყველა კუნძულს
და მისწვდა დასავლეთით აფრიკის კიდეებს და აღმოსავლეთით
— ცეილონს. თუმცა ცეილონიც არ დარჩენილა არაბულის
საზღვაო ვაჭრობის უუშორეს პუნკტათ: 758 წ. ჩვენ ვხვდე-
ბით პატარა არაბულ ფლოტილიას კანტონში. ინდოეთის მთე-
ლი დასავლეთის კიდე VII–VIII სს. ერთბაშათ მოიფინა არა-
ბული სავაჭრო ფაკტორიებით.

ბალდადიდან ჩრდილო-აღმოსავლეთისკენ და განსაკუთ-
რებით კი დასავლეთისკენ მიმართებოდა კიდევ უფრო შესა-
ნიშნავი სავაჭრო გზები. ჩრდილო-აღმოსავლეთისკენ მიმავალი
გზები აერთებდა ხალიფატს ჩინეთთან. არაბული და ჩინური
ისტორიული ცნობები სრული თანხმობით მოგვითხრობენ მი-
ჯრათ დაწყობილს ჩინეთს მიმავალ დესპანებზე, — და ეს დესპა-
ნები იყვნენ უბრალო მოვაჭრეთა ქარავნები. ამას გარდა, ბა-
ლდადის დასავლეთსა და ჩრდილო-დასავლეთ კუთხეებში გა-
ვითარებული სავაჭრო მოძრაობა მრავალიცხოვანი გზებით
აერთებდა ხალიფატს აფრიკისა და ევროპის უუშორეს ბაზრებ-
თან. აქ შეიძლება არაბთა გარე ვაჭრობის ორი უმთავრესი
მიმართულების აღნიშვნა: 1) ჩრდილოეთის გზები მიმართებოდა
კასპიის ზღვის ნაპირებისკენ, საიდანაც არაბთა ქარავნები უუ-
შორესი ჩრდილოეთისკენ მიეშურებოდენ, — ამიტომაა, რომ
პირველი აბასიდების დროის ფული რუსეთში და თითქმის
შეციაშიც ბევრ საუნჯეებში იპოვებოდა; 2) მთელი წყება გზე-

ბისა ხალიფატს აბამდა დიდებულს სალევანტო ვაჭრობაში, რომელიც აკავშირებდა ევროპას, აფრიკასა და აზიას. აფრიკაში ეგვიპტე ითვლებოდა ფრიალ მნიშვნელოვან პუნკტათ, საიდანაც სავაჭრო საქონელი იჩიდებოდა ზმელთაშვაზღვის პორტებში. ესპანიიდან ნილოსის ვაკისკენ მიიმართებოდა აფრიკის მთელი ჩრდილო ნაპირის გასწვრივ გადაჭიმული უდიდესი საქარავნო გზა. ძველ ქაირთან გზა ტოტებათ ნაწილდებოდა ერთი პალესტინისკენ მიდიოდა სინაის ყელით, აქიდან სჭრიდა დამასკოს და პირდაპირ კუუსა და ბალდალისაკენ მიიმართებოდა, მეორე—სამხრეთისკენ იყო დაქანებული ნილოსის ხეობათ და მერე საქარავნო გზათ მიდიოდა წითელ ზღვამდი, სადაც გემები იტვირთებოდა საქონლის მეორე ნაპირზე გადასატანათ. ბალდალიდანვე ეფრატის საშვალებით მიიმართებოდა მეორე გზაც, რომელიც სჭრიდა ანტიოქიასა და ალეპოს და მიეშურებოდა სირიის ხმელთაშვაზღვის ნაპირზე ვაშენებული პორტებისაკენ, სადაც არაბულ საქონელს იტალიელი ვაჭრები ეზიდებოდენ ევროპის ბაზრებზე; იყო აგრეთვე სომხეთზე გადასული ტრაპიზონს მიმავალი გზაც. ტრაპიზონი არაბების ბიძანტიელებთან ვაჭრობის შვამივალ პუნკტათ ითვლებოდა და იმ დროს დიდი მნიშვნელობა ჰქონდა კომერციულ ურთიერთობაში.

ასეთი იყო უზარმაზარი, ქვეყნის სამ ნაწილში მოთავსებული ტერიტორია, რომელსაც სიგრძე-სიგანეზე სჭრიდენ არაბთა ქარავნები. ცხადია, რომ რთული, მჭიდრო ნიაღაგზე დაყენებული ვაჭრობა დამყარებული უნდა ყოფილიყო ავანილ მრეწველობაზე. და მართლაც, ხალიფატის მრავალ-რიცხვოვანი პროვინციები ერთმანეთს ეჯიბრებოდენ მრეწველობის სხვადასხვა დარგის მეტ ვანკითარებაში. ამ მხრით არაბნი აშ სიტყვის სრული მნიშვნელობით მკიდენ უზარმაზარ დიპურობათა მოსავალს: ხალიფატის ყოველ კუთხეს შექონდა

წვლილი სახელმწიფოს მატერიალური კეთილდღეობის განსამტკიცებლათ.

ჩვენ აქ შეგვიძლია მხოლოდ აღვნიშნოთ არაბული მრეწველობის უფრო საყურადღებო წარმოებანი.

არაბეთი და მესოპოტამია აწარმოებდა შუშეულობასა და ფინიქს; შუშეულობის წარმოება არაბეთში საკმაოთ აღრე განვითარდა; ბალდათი ცნობილი იყო შუშეული ნივთების კეთებით. საუკეთესო ხარისხის ფინიქი მოყავზათ ბალდათში, სადაც ამ ხილეულის მოწევა პოპულარულ სასოფლო დღე-სასწაულათ ითვლებოდა. სხვათა შორის, სპარსეთის ზოგიერთ კუთხეშიც არა ნაკლები ხარისხის ფინიქი მწიფდებოდა. თუნდა მხოლოდ ფინიქის გატანაც საკმაო იყო ბაზარზე, რომ ხალი-ფატის ვაჭრობისთვის ნიადაგი გაემაგრებია.

იმავე დროს სპარსეთის კიდე ითვლებოდა შაქრის წარმოების ცენტრალურ პუნქტათ. სპარსეთშივე და შემდეგ არაბეთშიც პოულობდენ რკინას; რკინეულობას ბევრ პროვინციაში ამზადებდენ. ამ მხრით არაბებმა ბევრი რამე შეისწავლეს სპარსელებისგან, რომელთაგანაც გადმოიღეს თვით სახელიც ფოლადისა („ბულატი“). ირანი, ომანი, იემენი ბლობათ ამზადებდენ იარაღსა და ჯავშნებს, სირია კი—მახვილს. ფოლადისაგან სარკეებსაც აკეთებდენ, რადგანაც მაშინ შუშის სარკე კიდევ არ იყო შემოღებული. გარდა ამისა, აბასიდების დროს ძალიან განვითარდა ქსოვილების წარმოება. უფრო მნიშვნელოვან პროვინციებს. ამ დარგის ნაწარმოები გარეშე სახელმწიფოთა ბაზრებზეც გაჰქინდათ. არაბული ქსოვილები სხვადასხვა ხარისხის იყო. რასაკვირველია, ქსოვილების მასალაც არ იყო ერთგვარი. ადვილათ მისახვედრია, რომ ეს წარმოება დამყარებული იქნებოდა კარგ ნიადაგზე დაყენებულ მეჯოგეობაზე, რომელიც უფრო განვითარებულიყო წინა-აზიის კუთხეებში, სადაც ბლობათ იყო მოშენებული აქლემები, ცხენები, ვირები, ცხვრები.

ბი, თხები, კამეჩები. ხოლო წმინდათ ნაკეთები ქსოვილები მზადდებოდა ბამბისა და აბრეშუმისგან. ქსოვილები განირჩეოდა ცოცხალი ფერებით, დიდი ნახატებით და ოქროთი ნაკერაობით. ხანდახან ქსოვილებზე გამოხატული იყო მთელი სცენები, მაგალ., როგორ გლეჯს ლომი ან პანტერი აქლებს. შესანიშნავი სილამაზე ამ წარმოებისა იმდენათვე შლიდა ფრთხებს, რამდენათაც საგრძნობი იყო მისი მოთხოვნილება სასახლეში და შეძლებული კლასების ოჯახებში. ხალიფები და მათი მოადგილენი — პროვინციის მართველნი — ამ ძვირფასი ქსოვილებით უკვე დადგენილი ჩვეულებისამებრ ხშირათ ასაჩუქრებდენ ახლო პირებს სხვადასხვა ბრწყინვალე დღესასწაულებში. ამ საჭიროებისათვის ირანისა, ხუზისტანისა და ფარსისტანის უმთავრეს საქართველო პუნკტებში არსებობდა მთავრობის ქარხნები. კერძო სახლებში ძვირფასი ქსოვილები იხმარებოდა დივანებისა და კედლების მოსართავათ. კედლები მოფენილი იყო აგრეთვე აღმოსავლეთური ნოხებით, რომელთა წარმოებაც შვა აზიაში ძველათვე იყო განვითარებული. ქსოვილებისა და ნოხების წარმოება შემდეგში არაბთა ვაჭრობას მთავარ საფუძვლათ დაედვა; ნაწარმოები ძალიან ძვირათ ფასდებოდა დასავლებში, სადაც იგი ბლომათ გადაჰქონდათ გენუელებსა და ვენეციელებს.

ეგვიპტის დაპყრობამ, თავისი მხრით, პირველათ მისცა საბაბი ხალიფატში ქალალდის წარმოებას. იქ არაბები პირველათ წაწყდენ პაპირუსს. ნილის დელტის მიღამოები რამდენსამე ხანს ხალიფატში ქალალდის წარმოების უმთავრეს. ცენტრათ ითვლებოდა, მაგრამ ბარლოს სხვადასხვა გარემოების მეოხებით არაბებმა წინ გაუსწრეს ეგვიპტელებს. ჩინური ნიმუშის წაბაძვით ხალიფატში ბამბის აღგილობრივი წარმოება განვითარდა. მრეწველობის ამ ახალი დარგის განვითარების ცენტრათ გახთა სამარყანდი. სარაცინებმა ბამბა ევროპაშიც,

გადაიტანეს, და პაპირუსს იქ მაღვე დაეკარგა შნიშვნელობა. გარდა ამისა, არაბული მრეწველობის ფრიად საყურადღებო დარგათ ითვლება აღმოსავლეთი აზის დამახასიათებელი წარმოება—პარფიუმერია. სპეციალისტი მრეწველნი მცენარეულობისაგან სხვადასხვა ზეთისა და სურნელოვანი წყლის მომზადებაში არაჩვეულებრივ გაწროვნილობას იჩენდენ. დიდათ განვითარებული პარფიუმერიის წარმოება უმთავრესათ ახასიათებს აღმოსავლეთის ფუფუნებაში გამოკვერილ ზნე-ჩვეულებას, მაგრამ იგივე წარმოება მეორე მხრით გვიჩვენებს ხალიფატში მრეწველობის სხვა დარგის განვითარებასაც; ეს იყო ბალოსნობა და მიწისმუშაობა. ისე, ვით სიმრავლე და მღიღრულობა არაბული ქსოვილებისა დამოკიდებული იყო მეჯოგების განვითარებაზე, ამ რიგათვე მცენარეულობის ნაყოფის ექსპლუატაციაც პირველ ყოვლისა მიწის რიგიანათ დამუშავების შედეგი იყო.

მ ე უ რ ნ ე მ ღ ბ ა .

და მართლაც, ძალიან განვითარებულს სხვა. და სხვა გვარ მრეწველობასთან ერთად, მეურნეობასაც საპატიო აღგილი ეკავა ხალიფატის ეკონომიურ ცხოვრებაში. ამ მხრითაც, როგორც სხვა ბევრ შემთხვევაშიც, არაბები მათ მიერ დაპრიობილი ხალხების მოწაფეებათა და მათსავე მემკვიდრეებათ ითვლებოდენ. ეგვიპტეს, სირიასა და მესოპოტამიას უკვე დიდიხნის შემუშავებული ჰქონდათ მეურნეობის ნამდვილი კულტურა მაშინ, როცა არაბები თავის სამშობლო კუნძულზე სამუშაო დროს მხოლოდ ნადირობას, მეთევზეობას, მეჯოგეობასა და ფინიკის მოწევას ახმარებდენ. მაგრამ არაბები მაღვე შეეწყვენ ცხოვრების ახალ პირობებს. შათ ისტორიისა და ქვეყნის წინაშე დიდი ღვაწლი მიუძღვისთ სხვა და სხვა კულტურული მცენარის გავრცელება-გაუმჯობესობის საქმეში; ბევრი ინდიური მცენარე მოშენდა ევროპაში არაბთა მეოხებით. აფრიკა-

ში პირველათ არაბებმა შეიტანეს ბრინჯის კულტურა. ხოლო იქიდან ეს კულტურა მიწვდა სიცილიასა და ესპანიას. ბრინჯს მოყვა ინდიგო, ომლის გავრცელებასაც განსაკუთრებული გულმოდგინებით მოსჭიდეს ხელი ვენეციელებმა, ოოგორც კი ინდოეთიდან ლევანტის პორტში შემოიტანეს იგი არაბებმა; ზაფრანაც მათგანვეა პირველად შემოტანილი ევროპაში; ბამბა უკვე დიდიხნის ცნობილი იყო არაბეთში, მაგრამ მხოლოდ ხალიფების ეპოქაში იქმნა იგი მიჩნეული მრეწველობის ერთი დარგის საწარმოო მასალათ; იგი ჰარუნ-ალ-რაშიდის დროს ბაბილონშიც შეიტანეს. სელისა და კანაფის კულტურა უკვე საკმაოთ იყო განვითარებული სირიასა და ეგვიპტეში ხალიფატის დაარსების დროს. კანაფის მოყვანა უშეტესათ გავრცელდა მას მერე, რაც ამ მცენარის ფოთლებისაგან გაშიშის მომზადება შეისწავლეს.

თუთის ხეების გაშენება სპარსეთის ჩრდილო პროვინციებში არაბთა მოსვლამდი განვითარდა. მაგრამ არაბები თავისი მხრითაც ხელს უწყობდენ მათი კულტურის განვითარებას. მათ თუთის ხეები ესპანიაშიც მოაშენეს. ამას გარდა, არაბებმა აქეთ-იქით მოფინეს თავისი სამშობლო კუთხის ხე—ჰალმა. ჰალმა, შეიძლება ასე ვსთკვათ, არაბების განუყრელი თანამგზავრი იყო მათს მოგზაურობაში: ბასორა გარშემოირტყა ჰალმის თვალუწვდენელი ტყეებით, ჰალმა გავრცელდა ბალდადშიც, საღაც ეს მცენარე სრულებით არ მოიპოვებოდა ქალაქის აშენების დროს; შემდეგ არაბებმა ჰალმა დასავლეთში შეიტანეს და მერე—ესპანიაშიც. მაგრამ არაბნი არ დაკმაყოფილებულან მარტო ამ შვამავლის როლის შესრულებით კულტურული მცენარეების გავრცელებაში: მათ დილი ღვაწლი მიუძღვისთ თვითონ მიწის კულტურისა და მიწის დამუშავების სხვადასხვა საშვალების გაუმჯობესებაში, ისინი გულმოდგინეთ სწავლობდენ ძველი ეგვიპტის, სირიისა და

ბაბილონისა მრეწველობის აგრძნომიულ სისტემებს და ცდილობდენ ხელოვნური რწყვისა და დანოკიერების სხვა და სხვა საშვალების განვითარებას. მათი ინტენსიური მეურნეობის დამყარებისაღმი მისწრაფებით აიხსნება ერთი ორიგინალური ბასორში შემოლებული ჩვეულება: განსაზღვრულ დროს გამოცხადდებოდა ხოლმე საჯარო ვაჭრობა ქალაქში მოგროვილის კაცის სკორესი (განავალის), და ამ საჯარო ვაჭრობაზე იკრიბებოდენ მიდამოებიდან მიწათმფლობელნი; სკორეს ყიდულობდენ და მინდვრებში გადაჰქონდათ ნიაღავის დასანოკიერებლათ.

მეურნეობასთან ერთად ყვაოდა ბალოსნობაც. უდიდესი ბალები ამშვერებდა ქალაქებს, როგორც მაგალ. ბალდაც. ბალებს ინახავდენ დიდი გემოვნებითა და შზრუნველობითი სიყვარულით. ჩვეულებრივათ, ქვაფენილის სწორკუთხიანი ალეების გასწვრივ მიჯრათ ჩარიგებულიყვნენ მოგრძელო ყვავილნარები, გარშემორტყმულნი ქვითა და მოკლეთ შეჭრილი კვინჩხით. ბალშარები მოქარგული იყვნენ არაბთა საყვარელი ყვავილებით; იქ ყვაოდა ვარდი, ზამბაზი, ნარგიზ-ლოტოსი, იასამანი, მიხაკი და რეპანი. ყვავილნართა შორის ჯგუფებით იყვნენ ჩამწკრივებული სწორი და მოყვანილი საუკეთესო ჯიშის ხეები; კიბაროსის, პალმის, ლიმონისა და ფორთოხლის ან ოლეანდრის; დაფნისა და მირტის ბუჩქებში.

ხეივნები ვაზებით იყო ჩამოხურული და მოჩრდილული. მწვანეში მოწყობილი ხელოვნური ჩანჩქრები წყლით ავსებდენ მარმარილოს აუზებს. ყველაფერს აჩნდა გამობრძედილი ხელოვნების ბეჭედი, ბეჭედი მკაცრის, აღმოსავლეთური ეთიკეტისა.

მცხოვრებთა კლასებათ დაუყოფა.

ჩვენ განვიხილეთ ბალდაცის ხალიფატის სახელმწიფო წეს-წესის მიერ განვითარება და ის საფუძვლები, რომელთაც ემყარებოდა სა-

ხელმწიფოს ძლიერება და ხალხის კეთილდღეობა. ახლა ის ლა დაგვრჩენია, რომ გავიცნოთ თვით ხალხი, რომელიც ცხოვრობდა აქვე აწერილი წესებითა და სხვა და სხვა გვარი შრომით.

ხალიფატის მცხოვრებნი დაყოფილი იყვნენ კლასებათ; ეს კლასებათ დაყოფა პირველათ რელიგიურისა და ომშრი სხვადასხვაობის ნიადაგზე წარმოიშვა. საზოგადოების კლასობრივ სხვადასხვაობაში, როგორც ბეგრის განაწილება-შიც (იხ, ზევით) პირველად ყოვლისა განირჩეოდენ გამარჯვებული არაბები დამარცხებულ ქვეშევრდომთაგან, მუსულმანები ურწმუნოთაგან. აქიდან ადვილი გასაგებია, თუ რატომ რთულდებოდა არაბთა წოდებრივი სხვადასხვაობა მათ მიერ დაპყრობილი მხარეების საზღვართა გაფართოებასთან ერთად. მოწინავე საზოგადოებას შეადგენდენ წმინდა ჯიშის არაბნი—დამპყრობელნი. თავისუფალი არაბი—ხალხი უძველესი დროიდანვე გვარებათ იყოფოდა. ისლამის დამყარებას შემდეგ ამ გვართა შორის თავისი განსაკუთრებული მნიშვნელობითა და ძლიერებით წან წამოიწიენ წინასწარმეტყველის მეგობარნი (ასხაბები) და პირველი მისი მიმდევარნი (ანსარები და მოჰაჯირები), რომელთაც შეადგინეს ერთგვარი რელიგიური ხასიათის არისტოკრატია. ლაშქრობით გამოწევული ხშირი მოგზაურობა სხვადასხვა ქვეყნებში, რასაკვირველია, არევდა მონათესავე გვარების წინანდელ ერთობას; ხშირათ გვარის ერთი ნაწილი შორეულ ომებში მიღიოდა, მეორე ბინაზე რჩებოდა. მაგრამ მაინც, არაბები მაგრათ ჩაჭიდებოდენ თავის წარსულს, თითქმის ესწრაფოდენ კიდეც, რომ საგვარო წყობილებისათვის ხელოვნურათ მაინც გაემჭიდროებიათ ნიადაგი. სუსტისა და თანდათან გადაშენებული გვარის წევრები საჩქაროთ უერთდებოდენ უფრო ძლიერ გვარეულობას.

დაპყრობაშ შექმნა არაბთა საზოგადოების ორი სხვა კლასი: კლასი მონათა და კლიენტა. სამხედრო ტყვეობა—მო-

ნობის წყარო იყო. შემოღებული ჩვეულებისამებრ, თუ უცხო ტომი ნებაყოფლობით არ დანებდებოდა არაბებს, და არაბები იძულებული ხთებოდენ ბრძოლით დაემორჩილებიათ ისინი, მაშინ მოწინააღმდეგე ტომის მამაკაცები სიკვდილით ისჯებოდენ, ხოლო დედაკაცნი და ბავშები მონებათ ხთებოდენ; მათგან $\frac{4}{5}$ ნაწილი ითვლებოდა ჯარის საკუთრებათ, ხოლო $\frac{1}{5}$ - ხალიფის დავლას შეაღენდა. შემდეგში მონათა კლასის გადიდებას ლაშქრობას გარდა ტყვების ყიდვა-გაყიდვამაც შეუწყო ხელი. მონები უმთავრესათ ორი კუთხიდან მოყავდათ: ფერანგის მიღამოებიდან—მონა-თურქები და აფრიკიდან—ზანგები და ბერბერები. ომითა და ვაჭრობით ნაზარდს მონათა კლასს სიმრავლით პირველი ადგილი ეკავა. თუმცა ისიც უნდა შევნიშნოთ, რომ მონებს ლონისძიება ეძლეოდათ მუსულმანობის მიღებითა და არაბული ენის შესწავლით სრულფფებიანი გამხთარიყვნენ.

ამ პირობების ასრულებით მონები კლიენტებათ ხთებოდენ. კლიენტები ანუ ახლათმოქცეული მუსულმანები შეაღენდენ საშვალო წოდებას თავისუფალს სრულუფლებიან არაბთა და მონათა შორის. წოდებრივი დანაწილების რელიგიური საფუძველის მიხედვით კლიენტები მონებზე მაღლა იღენ, ხოლო ტომური წარმოდგომის მხრით—თავისუფალ არაბებთან შედარებით დაბალი საფეხური ეკავათ. მიუხედავათ ყურანის პირდაპირი ბძანებისა, რათა მუსულმანებს მიეჩნია ერთმანეთი სრულუფლებიან ძმებათ, წმინდა ჯიშის არაბებს არ უნდოდათ ახლათმოქცეულ უცხოტომელებთან ერთად ერთ დაუაზე მოთავსებულიყვნენ. ამ უკანასკნელთაგან წინან დებურათ კრეფდენ ხარაჯსა და ჯიზიეს, რისგანაც თავისუფალი იყვნენ მოდგმით მუსულმანები; ახლათ მოქცეულთ მაღლიდან დასცეკეროდენ მოდგმით— მუსულმანები, და მათ დამოკვრებას გაურბოდენ. აბასიდების ეპოქაში კი ახლათ მოქცეულთა საზოგადოებრივი მდგომარეობა განუშვაბესდა. (აბასიდებმა მიაღწიეს თუ არა ტახტის ფლობელობას სპარსელების გავლენით ისინი

დაემყარენ ყურანის ტექსტებს, რომელშიც გატარებული იყო მუსულმანთა საყოველთაო სრულუფლებიანობის იდეა და გამოთქმული იყო აზრი დროთა ბრუნვაში ტომების ბუნებრივათ გაერთიანების აუცილებლობის შესახებ. კლეინტებს ახლა უკვე ხშირათ ეკავათ უმაღლესი სახელმწიფო თანამდებობანი და ეს მოხდა უმთავრესათ ერთი მხრით თვით მთავრობის მეოხებით, რომელიც მუსულმანთა სწორუფლებიანობის იდეას ქადაგობდა, და მეორე, მხრით თვით კლეინტებმა შესძლეს — ბრძოლით მოეპოვებიათ საზოგადოებაში საპატიო ადგილი. ამ კლასმა უმთავრესათ განვითარა ვაჭრობა-მრეწველობა და ენერგიული სამეცნიერო მოძრაობა. ამ კლასმა წარმოშვა იურისტები და ღვთისმეტყველები, რომელთა ურომამაც ნიადაგი განუმტკიცა გონებრივ ცხოვრებას.

პირვანდელი მარტივი დაყოფა საზოგადოებისა დაფუძნებული დაპყრობა-დამორჩილებასა და რელიგიურ სხვადასხვაობაზე, თანდათან გართულდა. სახელმწიფოსა და ხალხის მრავალმხრივი ცხორების განვითარებასთან ერთად, თვითონ თავასუფალ კლასშიც დაიწყო დანაწილების პროცესი შრომის სხვადასხვაობის ნიადაგზე წამოჭრილი. თვისუფალი კლასიდან იყვნენ გამოსული კარისკაცები, მოხელეები, სასულიერო პირები, ვაჭრები, ხელოსნები. ხელოსნებმა თავისი მხრით დააარსეს სხვადასხვა შრომის კავშირები, რომელთა სათავეშიც იდგენ მათი წრიდან ამორჩეული წარმომადგენლები და ამრიგათ მოაწყვეს რაღაც ცეხების მსგავსი.

მაშინ, როცა მოქალაქეთა კლასი უმთავრესათ ახლათმოქმედულთაგან შესდგებოდა, არაბთა ბევრი ტომი არ ღალატობდა ტრადიციას — და მისდევდა მეურნეობას, მეჯოგეობასა და სამხედრო სამსახურს.

2
d 732